



# Uprava za indirektno oporezivanje u 2025. godini



UPRAVA ZA INDIREKTNO - NEIZRAVNO OPOREZIVANJE



## UVODNA RIJEČ DIREKTORA

Poštovani,

Uprava za indirektno oporezivanje Bosne i Hercegovine, u skladu sa zakonskim nadležnostima i strateškim opredjeljenjima, i tokom 2025. godine nastavila je da obavlja svoje zadatke s ciljem osiguranja stabilnog i efikasnog sistema indirektnog oporezivanja, kao jednog od ključnih stubova fiskalne stabilnosti i ekonomskog razvoja Bosne i Hercegovine.

Godinu 2025. obilježili su složeni ekonomski i institucionalni izazovi, kako na domaćem, tako i na međunarodnom planu. U takvim okolnostima, Uprava je bila usmjerena na očuvanje kontinuiteta u prikupljanju javnih prihoda, unapređenje poreske discipline, jačanje kontrolnih i analitičkih kapaciteta, te dalje unapređenje saradnje sa poreskim obveznicima i drugim nadležnim institucijama u Bosni i Hercegovini i inostranstvu.

Posebna pažnja posvećena je modernizaciji poslovnih procesa, unapređenju informacionih sistema, te jačanju institucionalnih kapaciteta kroz kontinuiranu edukaciju zaposlenih. Aktivnosti Uprave bile su usmjerene i na jačanje transparentnosti, pravne sigurnosti i jednakog tretmana svih učesnika u sistemu indirektnog oporezivanja.

Izveštaj o radu Uprave za indirektno oporezivanje za 2025. godinu daje pregled najznačajnijih aktivnosti i ostvarenih rezultata u oblasti prikupljanja prihoda od indirektnih poreza, carinskih postupaka, kontrole i revizije, kao i razvoja normativnog i organizacionog okvira rada Uprave. Istovremeno, Izveštaj ukazuje na izazove sa kojima se Uprava suočavala, kao i na pravce budućeg djelovanja u cilju daljeg unapređenja efikasnosti i pouzdanosti sistema.

Koristim ovu priliku da izrazim zahvalnost svim zaposlenima u Upravi za indirektno oporezivanje na profesionalnom i odgovornom radu, kao i svim institucijama i partnerima na saradnji i podršci. Uvjeren sam da će Uprava i u narednom periodu nastaviti da odgovorno izvršava svoje obaveze, u interesu fiskalne stabilnosti i ukupnog društveno-ekonomskog razvoja Bosne i Hercegovine.

Direktor

  
dr Zoran Tegeltija

# Pregled najvažnijih aktivnosti u radu UIO u toku 2025. godine


Uprava za indirektno oporezivanje zabilježila je još jednu uspješnu godinu, što pokazuju rezultati ove najvažnije institucije za fiskalnu stabilnost Bosne i Hercegovine. Podsjećamo, Uprava je organizovana na način da je sjedište institucije u Banjaluci, dok se sve operativne aktivnosti provode kroz četiri regionalna centra: Banjaluka, Sarajevo, Mostar i Tuzla, sa pripadajućim carinskim ispostavama u unutrašnjosti Bosne i Hercegovine i carinskim referatima na graničnim prijelazima. Organizaciju Uprave čini pet sektora: Sektor za poslovne usluge, Sektor za carine, Sektor za poreze, Sektor za provođenje propisa i Sektor za informacione tehnologije, a organizacija istih se sa sjedišta UIO reflektuje i na svaki regionalni centar. U samom sjedištu Uprave u Banjaluci, pored već pomenutih sektora, djeluje još pet osnovnih organizacionih jedinica: Kabinet direktora, Odjeljenje za internu reviziju, Odjeljenje za komunikacije i međunarodnu saradnju, Odjeljenje za pravne poslove i Odjeljenje za analizu i upravljanje rizicima. U nastavku ovog dokumenta dajemo pregled najznačajnijih aktivnosti i rezultata svih organizacionih jedinica Uprave za indirektno oporezivanje u toku 2025. godine.




## 1. NAPLATA PRIHODA

UIO je u periodu 01.01 - 31.12.2025. godine prikupila ukupno 12 milijardi i 177 miliona KM prihoda na Jedinostvenom računu što je za oko 635 miliona KM ili 5,51% više u odnosu na isti period 2024. godine. U strukturi ukupno prikupljenih prihoda od indirektnih poreza i ostalih prihoda uplaćenih na Jedinostveni račun najviše je prikupljeno prihoda od poreza na dodanu vrijednost (PDV), u iznosu od 8 milijardi i 771 milion KM, koji u ukupnim prihodima učestvuje sa 72,03%, zatim od akciza na uvozne proizvode u iznosu od 1 milijardu i 891 milion KM (15,53%), od putarina na naftu i naftne derivate u iznosu od 763 miliona KM (6,27%), od carinskih dažbina u iznosu od 634 miliona KM (5,21%) i od akciza na domaće proizvode 41 milion KM (0,34%).

*Pregled naplaćenih (usklađenih) bruto prihoda po vrstama u periodu 01.01 - 31.12.2024/2025.*



### Udio pojedinih vrsta prihoda u ukupnim prihodima UIO u periodu januar - decembar 2025. godine



U izvještajnom periodu prihodi po osnovu carinskih dažbina su veći za 6,72%, odnosno za oko 39 miliona KM u odnosu na prihode u 2024. godine. Naplaćeni prihod od PDV-a pri uvozu roba, u izvještajnom periodu, bilježi rast za 5,06% odnosno za oko 255 miliona KM. Takođe, naplaćeni prihod od PDV-a, koji se odnosi na promet domaćih roba i usluga u izvještajnom periodu bilježi rast za 7,62%, odnosno veći je za oko 243 miliona KM. U izvještajnom periodu prikupljeno je ukupno 1.932.785.017,80 KM po osnovu akcize na domaće i uvozne proizvode, što je za 3,47% više u odnosu na isti period prethodne godine. Akciza na uvozne proizvode čini 15,53% od ukupno prikupljenih prihoda dok akciza na domaće proizvode čini 0,34%. U poređenju sa prethodnom godinom za ovaj izvještajni period akciza na uvozne proizvode veća je za 3,30% (u apsolutnom iznosu za 60.454.991,33 KM), i akciza na domaće proizvode je veća za 11,87% (ili u apsolutnom iznosu za 4.356.383,93 KM). Akciza na uvozne duvanske prerađevine, u izvještajnom periodu je veća za oko 33 miliona KM u odnosu na isti period prethodne godine.

## 2. RASPODJELA PRIHODA

Prikupljeni neto prihodi za raspodjelu korisnicima prihoda u periodu 01.01.-31.12.2025. godine, iznosili su 9 milijardi i 974 miliona KM, i veći su za 5,56% (oko 525 miliona KM) u odnosu na 2024. godinu kada su iznosili 9 milijardi i 449 miliona KM.


UIO je raspodjelu i doznačavanje prikupljenih prihoda u izvještajnom periodu, vršila shodno odluci Upravnog odbora UIO broj: 02-02-15-3-1/23 od 04.09.2023. godine, prema koeficijentima raspodjele za period jul-septembar 2023. godine (FBiH 62,01%, RS 34,44% i BD 3,55%), tako da su, nakon izdvajanja sredstava za minimalne rezerve u svrhu obezbjeđenja povrata sredstava obveznicima (iznos od 2 milijarde i 202 miliona KM) i za putarine za izgradnju autoputeva KM (iznos od 471 milion KM) korisnicima doznačena sredstava i to: 1 milijarda i 20,5 miliona KM u korist BiH - finansiranje institucija, 5 milijardi i 260 miliona KM u korist Federacije BiH, 2 milijarde i 921 milion KM u korist Republike Srpske i 301 milion KM u korist Brčko Distrikt BiH (Tabela 1).

**Tabela 1. Tabelarni pregled raspodjele - doznačenih sredstava za period 01.01 - 31.12.2024/2025. godine**

01.01. - 31.12.	FBiH			RS			Bd BiH		
	Doznačeno	Spoljni dug	Ukupno	Doznačeno	Spoljni dug	Ukupno	Doznačeno	Spoljni dug	Ukupno
	(u mil. KM)			(u mil. KM)			(u mil. KM)		
2024	4.076	868	4.944	2.318	428	2.746	269	14	283
2025	4.548	713	5.261	2.560	361	2.921	287	14	301
% promjene	11,57	-17,92	6,39	10,45	-15,56	6,39	7,02	-5,40	6,39

% promjene odražava stvarne odnose iznosa raspodjele koji nisu zaokruženi kao što su podaci u navedenoj tabeli

**Raspodjela prihoda po korisnicima i za minimalne rezerve sa % učešća u raspoređenim sredstvima za period januar -decembar 2025. god**



*Napomena: % pokazuje učešće u kumulativu prihoda koji su raspoređeni korisnicima naznačenim u grafičkom pregledu*

**2.1. Putarina za izgradnju autoputeva i izgradnju i rekonstrukciju drugih puteva u Bosni i Hercegovini (0,25 KM)**

U periodu januar - decembar 2025. godine poreski obveznici izvršili su uplatu putarine za izgradnju autoputeva i izgradnju i rekonstrukciju drugih puteva u Bosni i Hercegovini (0,25 KM) u iznosu od 477.461.890,89 KM.

Upravni odbor UIO je, dana 10.07.2018. godine, donio odluku o privremenoj raspodjeli prihoda od putarine za izgradnju autoputeva i izgradnju i rekonstrukciju drugih puteva (0,25 KM). Ovom Odlukom je utvrđeno da od ukupnih prihoda od putarine za izgradnju autoputeva i izgradnju i rekonstrukciju drugih puteva 10% ostaje na podračunu kod Centralne banke BiH i služiće za poravnanje

prihoda po utvrđivanju konačne metodologije raspodjele, a preostalih 90% prihoda od putarine dijeli se između entiteta i Brčko Distrikta BiH tako da 59% pripada Federaciji Bosne i Hercegovine, 39% pripada Republici Srpskoj i 2% pripada Brčko Distriktu BiH.

UIO je shodno navedenoj Odluci u periodu od 01.01. do 31.12.2025. godine, sredstva od putarina 0,25 KM, a koja su prikupljena za period decembar 2024. – novembar 2025. godine, i koja su prenesena na poseban podračun u Centralnoj banci BiH, raspodjelila u iznosu od 423.634.986,96 KM (nakon izdvajanja sredstava za povrate putarina 0,25 KM u iznosu od 532.658,40 KM i nakon izdvajanja 10% rezerve u iznosu od 47.070.554,11 KM) korisnicima kako slijedi:

**Federaciji BiH** raspoređen je ukupan iznos od **249.944.642,29 KM (59,00%)**,  
**Republici Srpskoj** raspoređen je ukupan iznos od **165.217.644,91 KM (39,00%)**,  
**Brčko Distriktu BiH** raspoređen je ukupan iznos od **8.472.699,76 KM (2,00%)**.

Ukupan saldo na podračunu putarina u Centralnoj banci BiH na dan 17.07.2025. godine iznosio je 316.279.633,87 KM i sastoji se od iznosa 11.364.103,08 KM, koji predstavlja 10% rezerve od prikupljenih putarina 0,10 KM i iznosa 304.915.530,79 KM, koji predstavlja 10% rezerve od prikupljenih putarina 0,25 KM za izgradnju autoputeva i izgradnju i rekonstrukciju drugih puteva.

Dana 18.07.2025. godine po odluci Visokog predstavnika br. 19/25 od 17.07.2025. godine („Službeni glasnik BiH“ br. 44/25) tačka 6. i 7. i odluci Guvernerke Centralne banke BiH br. 104-07-1-1339-3/25 Centralna banka BiH je izvršila prenos sredstava u iznosu od 240.000.000,00 KM sa podračuna 37313 Računa za izdvajanje sredstava prikupljenih od putarina na račun Ministarstva finansija i trezora BiH broj 0000030000000145.

Nakon izvršenog doznačavanja gore navedenih sredstava ukupan saldo na podračunu putarina u Centralnoj banci BiH na dan 31.12.2025. godine iznosi 97.411.847,75 KM i sastoji se od iznosa 11.364.103,08 KM (koji predstavlja 10% rezerve od prikupljenih putarina 0,10 KM u mjesecu januaru 2018. godine) i iznosa 86.047.744,67 KM, koji predstavlja 10% rezerve od prikupljenih putarina 0,25 KM za izgradnju autoputeva i izgradnju i rekonstrukciju drugih puteva.

## **2.2. Prinudna naplata sredstava prikupljenih na Jedinstveni račun po rješenju o izvršenju Suda BiH broj: S1 3 I 019671 16 I 2 od 28.09.2016. godine**



Presudom Suda Bosne i Hercegovine broj: S1 3 P 006452 11 P od 28.11.2013. godine, Uprava za indirektno oporezivanje je obavezana da tužiocu Vladi Republike Srpske - Ministarstvu finansija RS isplati iznos od 15.004.650,53 KM sa zakonskom kamatom počev od dana 18.06.2013. godine do konačne isplate. S obzirom da predmetna presuda nije izvršena u ostavljenom roku, Pravobranilaštvo Republike Srpske je pokrenulo postupak radi prinudne naplate dosuđenog iznosa, koje je započelo dana 24.05.2018. godine, sa računa koje je UIO otvorila u NLB Banci a.d. Banja Luka i Novoj banci a.d. Banja Luka, te je postupak nastavljen i u ostalim bankama sa sjedištem u Republici Srpskoj, a koje su u sistemu Jedinstvenog računa, kojom prilikom je izvršena pljenidba sredstava u ukupnom iznosu od 4.662.767,95 KM.

U cilju obezbjeđenja nesmetanog funkcionisanja UIO, na zahtjev UIO kao dužnika i Pravobranilaštva BiH, doneseno je 11 odluka Suda BiH o odlaganju izvršenja rješenja Suda BiH broj: S1 3 I 019671 16 I 2 od 28.09.2016. godine, a posljednjom odlukom je usvojen prijedlog dužnika i odgođeno provođenje do 11.06.2026. godine.

Od maja 2018. godine UIO se suočavala sa problemima u blagovremenom izvršavanju povrata sredstava po osnovu položenih gotovinskih depozita za osiguranje duga a koji su posljedica izvršene pljenidbe sredstava prije donesenih odluka.

S tim u vezi, Upravni odbor Uprave za indirektno oporezivanje je donio odluku broj: 02-02-03-2/22 od 21.12.2023. godine o privremenom izdvajanju sredstava rezervi za potrebe povrata položenih gotovinskih depozita za obezbjeđenje duga, u neto iznosu od 1.807.815,03 KM uvećanim za pripadajuće kamate i troškove izvršnog postupka, što je omogućilo UIO da izvrši povrat položenih gotovinskih depozita koje nije mogla izvršiti zbog nedostatka sredstava na depozitnim računima za osiguranje duga.

Shodno navedenoj odluci, UIO je okončala postupanja po svim zaprimljenim rješenjima o povratu/prenosu gotovinskog depozita i rješenjima o izvršenju Suda BiH, u ukupnom iznosu od 863.464,43 KM.

Takođe UIO je izdvojila iznos od 1.008.867,12 KM iz sredstava rezervi za potrebe namirenja zapljenjenih sredstava sa depozitnih računa za obezbjeđenje duga, čime je UIO omogućeno blagovremeno izvršavanje povrata po osnovu položenih gotovinskih depozita za osiguranje duga.


Aktom broj: 01-16-1-972/25 od 28.03.2025. godine UIO je dostavila informaciju Upravnom odboru Uprave za indirektno oporezivanje o okončanju postupanja po odluci broj: 02-02-03-2/22 od 21.12.2023. godine o privremenom izdvajanju sredstava rezervi za potrebe povrata položenih gotovinskih depozita za obezbjeđenje duga.

### 3. POVRAT INDIREKTNIH POREZA

UIO je u izvještajnom periodu za potrebe povrata obveznicima indirektnih poreza rezervisala sredstva u iznosu od 2 milijarde i 202 miliona KM što je za 5,29% odnosno za oko 110 miliona KM više u odnosu na isti period 2024. godine.

*Grafičko - tabelarni pregled rezervisanih sredstava za povrate po vrstama prihoda za period 01.01 - 31.12.2024/2025. godine*

**PREGLED REZERVISANIH SREDSTAVA ZA POVRATE PO VRSTAMA  
PRIHODA ZA PERIOD 01.01 - 31.12.2024/2025. GODINE**



## 4. PRINUDNA NAPLATA

Postupak prinudne naplate indirektnih poreza, ostalih prihoda i taksi provodi se na način i pod uslovima propisanim odredbama Zakona o postupku indirektnog oporezivanja („Službeni glasnik BiH“ broj 89/05, 100/13), Zakona o postupku prinudne naplate indirektnih poreza („Službeni glasnik BiH“ broj 89/05, 62/11), Pravilnika o provođenju postupka prinudne naplate indirektnih poreza („Službeni glasnik BiH“ broj 35/20) i Uputstva o prinudnoj naplati („Službeni glasnik BiH“ broj 54/20).

Na dan 31.12.2025. godine evidentirano je ukupno stanje duga (obračunski period 2511):

- po osnovu PDV-a: 384.341.400,86 KM,
- po osnovu akcize: 1.272.671,42 KM,
- po osnovu carinskih dažbina: 12.365.033,11 KM,
- po osnovu ostalih prihoda (terminali): 2.607.626,51 KM.

Postupak pljenidbe novčanih sredstava i imovine dužnika, grupe za prinudnu naplatu u regionalnim centrima provode u skladu sa odredbom člana 13. Zakona o postupku prinudne naplate indirektnih poreza, poštujući princip srazmjernosti i u izvještajnom periodu ostvareni su efekti u naplati iskazani u tabelarnom pregledu (Tabela 2):

**Tabela 2. Efekti prinudne naplate**

OSNOVA	Ukupno po mjerama prinudne naplate na nivou UIO	
	Broj poduzetih radnji	Naplaćeno/KM
Pljenidba gotovine	3.604	1.981.978,53
Pljenidba novca deponovanog u fin-institucijama	10.152	18.635.176,87
Prenos sredstava sa blokiranih računa kod banaka ili drugih fin-inst.	5.400	17.324.903,80
Pljenidba dužnikovih nenaplaćenih potraživanja i prava dužnika	83	1.242.780,53
Pljenidba plata, naknada, zarada i penzija	214	206.403,44
Pljenidba zakupnina	60	1.162.879,91
Posebna šema dužnika - naplaćeni dug	0	385.373,76
Prodaja oduzete imovine-Aukcija	32	191.710,00
Prodaja oduzete imovine-Direktna prodaja	27	206.542,00
Prodaja HOV putem ovlaštenog berzanskog posrednika	23	9.604,31
Naplaćena potraživanja u postupku restrukturiranja, stečajnom postupku i likvidacionom postupku	3	937.185,46
Naplaćeni iznos u sudskom izvršnom postupku	4	442.742,06
<b>UKUPNO</b>	<b>19.602</b>	<b>42.727.280,67</b>

Osim navedenih efekata po preduzetim radnjama za naplatu duga preduzimane su i sljedeće radnje:

- obustavljanje transakcija preko bankovnih računa (rješenja o blokadi računa) – izdato ukupno 4.420 rješenja
- pljenidba hartija od vrijednosti (HOV) – ukupno 23
- pljenidba pokretne imovine - ukupno 21
- pljenidba vozila - ukupno 61
- pljenidba nekretnina – ukupno izdatih Pismenih izjava za pljenidbu nekretnina 38
- registrovano ukupno 31 zakonskih hipoteka.

U izvještajnom periodu podnesena je 290 prijava potraživanja za namirenje duga u ukupnom iznosu od 12.608.824,52 KM, u stečajnom i likvidacionom postupku.

Nakon provedenog postupka prinudne naplate i korištenja svih zakonom propisanih mogućnosti naplate duga grupe za prinudnu naplatu su usljed nemogućnosti naplate donijele ukupno 954 rješenja o zastari duga na osnovu kojih je izvršen otpis duga u ukupnom iznosu od 10.106.427,63 KM. U izvještajnom periodu zaprimljeno je ukupno 139 zahtjeva za odgodu plaćanja i plaćanje duga u ratama (odgoda 33, plaćanje duga u ratama 106) koji su riješeni na način da je odobreno 16 odgoda plaćanja za iznos duga od 6.472.917,67 KM i odobreno ukupno 60 zahtjeva za plaćanje duga u ratama za iznos duga od 5.064.230,23 KM.

Takođe, podneseno je 10 prijedloga za pokretanje izvršnih postupaka kod nadležnih sudova za dug u iznosu od 3.727.595,65 KM. U istom periodu zaprimljena su tri zahtjeva za korištenje blanko sopstvene trasirane mjenice i tri zahtjeva za korištenje povlaštenog statusa (korištenje sveobuhvatne garancije na niži iznos za obezbjeđenje plaćanja indirektnih poreza u carinskom postupku unutrašnje obrade i to na 30% od ukupno obračunatih indirektnih poreza u tom postupku), koji su riješeni na način da je jedan zahtjev za mjenicu okonča, jedan zahtjev uvažen i jedan zahtjev proslijeđen u Sektor za carine na nadležno postupanje, a sva tri zahtjeva za povlaštenu status su odobrena. Nadalje, u oblasti prinudne naplate zaprimljeno je ukupno 166 žalbi i donesena je 231 odluku po žalbama na rješenja grupa za prinudnu naplatu (odbijeno 205, uvaženo 29 žalbi i šest obustavljeno).

## 5. KONTROLNE AKTIVNOSTI

### 5.1. Analiza rizika

U izvještajnom periodu preduzimane su aktivnosti na realizaciji Akcionog plana Strategije unapređenja poštovanja propisa o indirektnom oporezivanju za period 2025–2027. godine. U identifikaciji rizika poštovanja propisa primjenjuje se top-down pristup, koji obuhvata strateški, taktički i operativni nivo, s ciljem sistemskog i dosljednog upravljanja rizicima.

Aktivnosti koje su preduzimane zasnovane su na analitičkoj obradi podataka i procjeni rizika, čime je osigurano da su mjere ciljane i utemeljene na dokazima i to:

- *Program poštovanja propisa „Rizik registracije“*: Izrađen izvještaj o rizičnoj oblasti. Identifikovani obveznici koji su u poslednjih 5 godina u svim poljima PDV prijave iskazali nule, izvršena analiza poslovnih subjekata s prometom većim od 100.000 KM evidentiranim u fiskalnim kasama koji nisu registrovani za PDV, identifikovani obveznici koji imaju zaustavljeno generisanje prijava nakon perioda 2407 koji se nisu registrovali za elektronski potpis, identifikovani uvoznici/izvoznici čiji je uvoz/izvoz preko 100.000 KM u 2024. godini i/ili u periodu od januara do jula 2025. godine a nisu registrovani za PDV, identifikovana lica koja nisu ispunila obaveze registracije po osnovu akcize, identifikovane kompanije-internet platforme koje vrše oporeziv promet licima-korisnicima usluga u BIH. Sačinjen nacrt Akcionog plana za 2026. godinu.
- *Program poštovanja propisa „Rizik plaćanja“*: Izvršena analiza i praćenje novih dužnika i novoregistrovanih dužnika u periodu decembar 2023.– decembar 2024. godine uz nastavak praćenja na mjesečnom nivou za 2025. godinu. Izvršeno je ažuiranje podataka sadržanih u pregledu stanja rizične oblasti za potrebe nastavka aktivnosti u 2026. godini.
- *Program poštovanja propisa „Povrat PDV-a“*: Sačinjeni prijedlozi rizičnih područja u kojima je potrebno provesti kontrolne aktivnosti, evaluacija efikasnosti medijske kampanje, izbor i predlaganje obveznika za kontrolu na bazi procjene rizika, sa fokusom na obveznike koji su vršili ino usluge i obveznike koji se bave proizvodnjom električne energije iz solarnih izvora.

- *Program poštovanja propisa „Estetske usluge“*: Identifikovani rizici prema četiri stuba poštovanja propisa obveznika iz segmenta djelatnosti 86.22 i 86.90, provedena analiza obveznika neregistrovanih za PDV, s prometom iznad oporezivog praga na bazi podataka trećih strana (fiskalne kase).

- *Program poštovanja propisa „Uvoz robe zanemarive vrijednosti naručene putem digitalnih platformi“*: Učešće u predlaganju budućih aktivnosti za provođenje programa.

Takođe, analiza rizika je učestvovala u izradi pregleda trenutnog stanja rizične oblasti i Akcionog plana za 2026. godinu za sljedeće programe: program poštovanja propisa „Zaštita intelektualne svojine“; program poštovanja propisa „Podnošenje prijava“; program poštovanja propisa „Mikrokreditne organizacije i osiguravajuća društva“; programa poštovanja propisa "Građevina"; program poštovanja propisa "Iznajmljivanje stambenih jedinica na kratak rok"; program poštovanja propisa "Mesnice"; program poštovanja propisa "Namještaj"; program poštovanja propisa „Naftni derivati“.

Na taktičkom nivou, tokom 2025. godine izrađen je značajan broj analiza u oblasti PDV-a, akciza i carinskog selektiviteta: dvanaest mjesečnih analiza o izvršenim povratima PDV-a po PDV prijavama; analiza efikasnosti kontrola predloženih od strane analize rizika u 2022, 2023. i 2024. godini; dopuna analize i selekcija obveznika za kontrolu iz analiza nula, negativnog polja 71 i obveznika koji imaju male iznose uplata ili pretplate (GAUPR); analiza uvoznika tarifne glave 88 - Zrakoplovi, svemirske letjelice i njihovi dijelovi i tarifne glave 89 - Brodovi, brodice i ploveće konstrukcije iz Carinske tarife BiH te izvršen izbor obveznika za kontrolu; analiza rizika povrata u području G3 – Trgovina na malo i procijenjeni rizici te izvršen izbor obveznika za kontrolu; analiza obračunate akcize na domaće proizvode u 2024. godini; analiza domaće akcize u prvih 6 mjeseci 2025. godine; analiza obračunate akcize na uvozne proizvode za 2024. godinu; analiza obračunate akcize na uvozne proizvode za prvih 6 mjeseci 2025. godine; analiza obrazaca „PDV-SL-2“ u 2024. godini; analiza dodjele trake selektiviteta za obradu carinskih deklaracija u ASYCUDA World po principu slučajnog odabira (random) u prvom kvartalu 2025. godine; analiza dodjele trake selektiviteta za obradu carinskih deklaracija u ASYCUDA World po principu slučajnog odabira (random) u drugom kvartalu 2025. godine; analiza parametra selektiviteta "predviđeni procenat" u ASYCUDA World za maj 2025. godine; analiza aktivacija kriterija selektiviteta prema Akcionom planu mjera i aktivnosti po Profilu rizika za akcizni proizvod „duvanske prerađevine“ i analiza uvoza i izvoza roba iz tarifne glave 97 Carinske tarife BiH za period 01.01.2023 - 30.09.2025. godine.

Na operativnom nivou, za poreske periode januar–decembar 2025. godine, analiza rizika je dostavila prijedlog za poresku kontrolu ukupno 1.560 rizičnih obveznika, te je procenat kontrola zasnovan na analizi rizika povećan je sa 25% na 30% za obveznike iz oblasti revizije i kontrole, odnosno na 50% za kontrolu velikih poreskih obveznika. Razvijeni su novi modeli rizika i unaprijeđene analitičke metode, uključujući proširenje broja parametara i pripremu novih izvora podataka za buduća modeliranja (upotrebom KUF/KIF podataka, te poređenjem podataka JCI, PDV prijave i KUF/KIF). Time je unaprijeđena preciznost selekcije obveznika i efikasnost poreskih kontrola. U tabelarnom prikazu (*Tabela 3*) prikazani su segmenti iz kojih su predloženi obveznici.

**Tabela 3. Pregled oblasti iz kojih su predloženi obveznici za kontrolu**

Planovi kontrola za januar - decembar 2025. godine	KVO	RIK	UKUPNO
<b>Povrat/Kredit (30% plana)</b>	<b>84</b>	<b>393</b>	<b>477</b>
<b>Ostali kriteriji (70% plana)</b>	<b>199</b>	<b>884</b>	<b>1.083</b>
Blokiran račun	4	74	78
C - Prerađivačka industrija	15	43	58
F - Građevinarstvo	13	73	86
Fiskalne kase	9	74	83
G3 - Trgovina na malo	9	74	83
Putničke agencije i turoperatori		22	22
Pokrivenost nabavki uvećanih za troškove minimalnih bruto plata	11	57	68
Poređenje podataka APIF i FIA	12	74	86
Random		48	48
RMS sistem (sve djelatnosti)	20	74	94
Sve djelatnosti	96	194	290
Vanredna analiza rizika	10	77	87
<b>UKUPNO</b>	<b>283</b>	<b>1.277</b>	<b>1.560</b>

Za potrebe poreza izvršene su procjene rizika za 95 obveznika na osnovu inicijativa drugih organizacionih jedinica ili anonimnih prijava građana, dok je za potrebe carine izrađeno 40 izvještaja o obveznicima u postupcima odobravanja carinskih pojednostavljenja. Pravovremeno i analitički utemeljeno dostavljanje podataka unaprijedilo je međusektorsku koordinaciju i smanjilo rizik subjektivnog odlučivanja. U oblasti carinskog selektiviteta, tokom 2025. godine putem aplikacije RIDB, organizacione jedinice UIO, dostavile su ukupno 92 informacije o riziku (IOR). Od toga je 87 ocijenjeno relevantnim, na osnovu čega je sačinjeno 78 izvještaja o analizi rizika i kreirano 75 novih kriterija selektiviteta. Izvršeno je 516 evaluacija kriterija selektiviteta, dostavljeno devet obavijesti

o riziku i evaluirano devet povratnih informacija, a na osnovu dvije analize kreirano je 14 novih IOR-a. Na dan 31.12.2025. godine u ASYCUDA World bio je aktivan 181 kriterij selektiviteta, od čega 175 opštih kriterija i šest lokalnih kriterija selektiviteta. Procenat carinskih deklaracija koje carinski informacijski sistem upućuje na crvenu traku selektiviteta, u decembru 2025. godine iznosio je 20,44%. U narednom tabelarnom pregledu (*Tabela 4*) predstavljena je struktura procenata deklaracija na crvenoj traci selektiviteta za period 01.01.-31.12.2025. godine.

**Tabela 4. Struktura procenata deklaracija na crvenoj traci selektiviteta**

Period	Ukupan procenat deklaracija na crvenoj traci (svi kriteriji selektiviteta)	Procenat deklaracija kojima je dodijeljena crvena traka zbog kriterija selektiviteta koji su u vlasništvu Ekspertnog tima za carinsko upravljanje rizicima				Procenat deklaracija kojima je dodijeljena crvena traka zbog kriterija selektiviteta koji su u vlasništvu Odjeljenja za analizu i upravljanje rizicima
		Smjernice za CV motornih vozila	MVTEO (mjere)	Naredba 1146/07	Naredba 1508/15	
Januar 2025.	24,56%	8,00%	0,49%	12,43%	0,29%	3,35%
Februar 2025.	23,36%	8,65%	0,39%	11,26%	0,00%	3,07%
Mart 2025.	23,31%	8,26%	0,41%	11,50%	0,00%	3,13%
April 2025.	24,45%	8,53%	0,40%	11,73%	0,00%	3,80%
Maj 2025.	19,53%	8,46%	0,39%	1,37%	0,00%	9,31%
Juni 2025.	19,72%	8,47%	0,00%	0,00%	0,00%	11,24%
Juli 2025.	19,29%	8,78%	0,00%	0,00%	0,00%	10,51%
Avgust 2025.	19,76%	8,68%	0,00%	0,00%	0,00%	11,08%
Septembar 2025.	17,74%	8,36%	0,00%	0,00%	0,00%	9,38%
Oktobar 2025.	18,02%	8,53%	0,00%	0,00%	0,00%	9,49%
Novembar 2025.	17,08%	8,09%	0,00%	0,00%	0,00%	8,99%
Decembar 2025.	18,47%	9,12%	0,00%	0,00%	0,00%	9,35%
Prosjek	20,44%	8,49%	0,17%	4,02%	0,02%	7,72%

Takođe, analiza rizika je učestvovala u izradi fiksnog dijela plana naknadnih carinskih kontrola za 2026. godinu. Preduzimane su aktivnosti na realizaciji preporuka MMF-a iz dijagnostičke misije održane u maju 2024. godine kojima koordinira analiza rizika i izvršena je analiza postojećih i potrebnih izvještaja i predložen format novih izvještaja, omogućen je pristup u nCen-u, dopunjena je kontrolna lista s pitanjima koja omogućavaju procjenu efikasnosti parametara rizika i dr.

## 5.2. Carinska kontrola

U izvještajnom periodu izvršeno je 546 naknadnih carinskih kontrola i to: 236 fiksnih kontrola i 310 varijabilnih kontrola (*Tabela 5*). Operativnim planom za 2025. godinu planirane su aktivnosti prema svakom službeniku pojedinačno, a u skladu sa Metodologijom izrade plana naknadnih carinskih kontrola za 2025.godinu.

**Tabela 5. Pregled planiranih i provedenih naknadnih carinskih kontrola za 2025. godinu**

NAKADNA CARINSKA KONTROLA	PLAN	GLAVNA KANCELARIJA	TUZLA	BANJA LUKA	SARAJEVO	MOSTAR	UKUPNO	% PLANIRANO /OSTVARENO
		OSTVARENO	OSTVARENO	OSTVARENO	OSTVARENO	OSTVARENO	OSTVARENO	
FIKSNE KOTNROLE	256		113	13	43	67	236	93%
VARIJABILNE KONTROLE	378	6	137	59	61	47	310	82%
UKUPNO ZAPISNIKA	630	6	250	72	104	114	546	87%

Provedene kontrole su rezultirale naknadnom naplatom sredstava u iznosu od 984.769,81 KM i predložena je naknadna naplata evidentirana u iznosu od 883.282,54 KM (*Tabela 6*). Na osnovu prijedloga mjera po zapisnicima o naknadnoj kontroli riješeno je 1873 upravnih postupaka. Izdato je 8 prekršajnih naloga i podnesena 4 zahtjeva za pokretanje prekršajnog postupka, te su naplaćene kazne za prekršaje u iznosu od 6.400,00 KM.

**Tabela 6. Efekti naknadne carinske kontrole**

	GLAVNA KANCELARIJA	TUZLA	BANJA LUKA	SARAJEVO	MOSTAR	UKUPNO
Predloženo za naknadnu naplatu KM	9.956,98	379.341,80	80.768.46	123.651,79	289.563,51	883.282,54
Naplaćeno naknadne naplate KM	41.903,44	355,590,83	52.750.25	222.987,41	311.537,88	984.769,81
Predložena naplata za carinski prekršaj KM				13.000,00		13.000,00
Naplaćeno za carinski prekršaj KM				6.400,00		6.400,00

Pored provođenja postupka naknadne kontrole kontinuirano se vrše i poslovi razduženja dozvola za uvoz/izvoz opojnih droga i psiho-

tropnih supstanci, dozvola za uvoz/izvoz prekursora (ukupno 13), te saradnja sa inspekcijama. U oblasti carinske kontrole u izvještajnom periodu zaprimljeno je ukupno 305 akata kojim je traženo postupanje po raznim zahtjevima upućenim od strane pravosudnih organa, drugih organa i institucija BiH, carinskih i poreskih uprava drugih zemlja, pravnih i fizičkih lica, te je izrađeno 120 akata prema istim. Odgovori su dostavljani i putem Odjeljenja za komunikacije i međunarodnu saradnju-17, putem Sektora za provođenje propisa- 190. Nadalje, vršena je ocjena opravdanosti primljenih prijedloga i zahtjeva za vršenje naknadne carinske kontrole od strane drugih organizacionih jedinica UIO i drugih organa, analiza rizika, te sačinjeno 162 prijedloga za naknadnu carinsku kontrolu (varijabilni dio kontrola); vršena je provjera za 978 lica koja su u postupku likvidacije/deregistracije/stečaja i izdata 23 naloga za naknadnu carinsku kontrolu. Takođe, zaprimljeno je 40 predmeta sa stepenom tajnosti „INTERNO“. U okviru obavljanja poslova naknadne carinske kontrole kontinuirano su dostavljani izvještaji za potrebe analize rizika, na mjesečnom nivou, o utvrđenim nepravilnostima, te periodično (tromjesečno) dostavljani podaci o utvrđenim nepravilnostima prema organizacionim jedinicama Sektora za carine (Baza nepravilnosti). U izvještajnom periodu službenici Odsjeka za kontrolu učestvovali su u provođenju operativnih akcija "PANGEA XVII", "CASH 2025-2026", "KRUG", „JAD SEE 2025“ i „e-Viper8“.

### 5.3. Poreska kontrola

U izvještajnom periodu u oblasti poreza u unutrašnjem prometu provedene su značajne aktivnosti na osiguranju prikupljanja prihoda i jačanju poreske discipline, s ciljem povećanja stepena dobrovoljnog poštivanja propisa od strane obveznika indirektnih poreza. U skladu sa važećim propisima, a na osnovu rezultata provedenih kontrola, dat je akcenat dodatnom unapređenju, modernizaciji i poboljšanju poslovnih procesa, posebno putem efikasnog planiranja, komunikacije, razmjene podataka i izvještavanja unutar Sektora za poreze, komunikacije sa drugim organizacionim jedinicama UIO, komunikacije i saradnje sa poreskim obveznicima, te identifikovanja prioriteta za provođenje kontrola, na osnovu saradnje sa Odjeljenjem za analizu i upravljanje rizicima i na osnovu drugih kriterija za odabir obveznika prioriternih za kontrolu.

Sektor za poreze je nastavio su pružanjem značajnog doprinosa podizanju funkcionalnosti raznih podsistema informacionog sistema UIO, a prije svega poreskog podsistema ePorezi, kao i u radu radnih grupa u oblasti

normativnih aktivnosti i unaprijeđenja selektiviteta. Kontrole su se odvijale shodno godišnjem planu, kao i zahtjevima i prioritetima postavljenim u realnom vremenu. Podaci iz evidencija obveznika putem e-nabavki i e-ispоруka dodatno su poslužile u identifikovanju potencijalno rizičnih poreskih obveznika.

U oblasti poreza tokom 2025. godine proveden je sistem finansijskog upravljanja i kontrole, te je kroz izdavanje naloga za internu kontrolu i izradu izvještaja o provedenoj internoj kontroli sa prijedlogom mjera, radio na izradi akata kojima su nalagana jednoobrazna postupanja svih organizacionih jedinica u sastavu Sektora za poreze.

### 5.3.1. Revizija i kontrola



U oblasti revizije i kontrole, registracionih i deregistracionih postupaka u izvještajnom periodu realizovano je 8% manje kontrola od planiranog broja, budući da je planirano 6.572 kontrole, a izvršeno je 6.035 kontrola. Kada su u pitanju potpune kontrole, planirano je da u izvještajnom periodu navedene grupe izvrše 4.953 potpune kontrole, a izvršene su 4.532 potpune kontrole,

odnosno 8% manje od planiranog broja. U izvještajnom periodu navedene grupe izvršile su 11% manje kontrola u odnosu na isti period prethodne godine, kada je izvršena 6.781 kontrola. (Tabela 7.)

**Tabela 7. Planirane i realizovane aktivnosti  
Odsjeka za reviziju i kontrolu**

Planirane i realizovane kontrole	Broj izvršenih kontrola u periodu I-XII 2024. god.	Broj planiranih kontrola u periodu I-XII 2025. god.	Broj izvršenih kontrola u periodu I-XII 2025. god.	Broj izvršenih kontrola u periodu I-XII 2025. god. u odnosu na period I-XII 2024. god. (%)	Realizacija planiranih kontrola za period I-XII 2025. god. (%)
	1	2	3	4 (3/1)	5 (3/2)
Banja Luka	1.465	1108	1.313	90%	119%
Mostar	1.344	1413	1.184	88%	84%
Sarajevo	2.159	2370	1.852	86%	78%
Tuzla	1.813	1681	1.686	93%	100%
Ukupno sve kontrole	<b>6.781</b>	<b>6.572</b>	<b>6.035</b>	<b>89%</b>	<b>92%</b>
Ukupno potpune kontrole	<b>5.485</b>	<b>4.953</b>	<b>4.532</b>	<b>83%</b>	<b>92%</b>

Ukupni bruto efekti tj. razrezi dodatno utvrđene obaveze po rješenjima inspektora u kontrolama iznose 51.464.363 KM, dok neto efekti (koji se dobiju kada se od bruto efekata oduzmu iznosi poništenih rješenja iz tekuće i prethodnih godina) iznose 37.257.158 KM. Bruto efekti u izvještajnom periodu manji su za 22,29% u odnosu na isti period prethodne godine kad su iznosili 66.226.522 KM. Neto efekti kontrola su manji za 36,48% u odnosu na isti period prethodne godine kada su iznosili 58.655.089 KM.

U izvještajnom periodu grupe za reviziju i kontrolu i grupe za kontrolu registracionih i deregistracionih postupaka su izdale 3.082 prekršajnih naloga, što je za 4,43% manje nego u istom periodu prethodne godine kada je izdato 3.225 prekršajnih naloga. Vrijednost izrečenih novčanih kazni po prekršajnim nalogima u izvještajnom periodu iznosi 13.953.614 KM, što je više za 29,82% nego u istom periodu prethodne godine kada je iznosila 10.748.795 KM.

Pored navedenog, grupe za kontrolu registracionih i deregistracionih postupaka u izvještajnom periodu izvršile su 837 terenskih provjera

adrese sjedišta lica koja su podnijela zahtjev za registraciju i upis u Jedinostveni registar obveznika indirektnih poreza.

Nepotpuno ostvarenje plana u izvještajnom periodu nastalo je iz razloga što je na inicijativu Odsjeka za reviziju i kontrolu, a na osnovu uvida u baze podataka UIO, ukrštanjem podataka iz e-evidencija i prikupljenih podataka iz otvorenih izvora dobijeni su podaci o rizičnim (ne)obveznicima, predloženo vršenje ukupno 74 kontrole od čega 60 kontrola obveznika i 14 kontrola neobveznika. Ove inicirane kontrole najvećim dijelom su se odnosile na kontrole lica iz sektora trgovine automobilima, koji sektor je ocijenjen kao posebno ranjiv s aspekta pranja novca, što je navedeno u Izvještaju o dopuni procjene rizika od pranja novca i finansiranja terorizma za period 2022.-2024. godine, a koji izvještaj je usvojio Savjet ministara Bosne i Hercegovine. Od ukupno 74 inicirane kontrole na dan 31.12.2025. godine okončano je 37 kontrola obveznika tj. 50% koje su rezultirale ukupnim bruto efektima u iznosu od 501.025,53 KM, dok je u postupcima informativnih kontrola kod pet neobveznika utvrđena ispunjenost uslova za upis u Jedinostveni registar obveznika indirektnih poreza. Pored navedenog razlog nedovoljnog ostvarenja plana je i okolnost povremenog angažovanja inspektora za obavljanje poslova u grupama za podršku, kao i veliki broj kontrola vezano za ukrštanje podataka iz e-evidencija, a koje su usljed međusobnih neslaganja u podacima iz e-evidencija i vremanski duže trajale.

### **5.3.2. Kontrola velikih poreskih obveznika**

U oblasti kontrole velikih poreskih obveznika u izvještajnom periodu realizovano je za cca 8% više od planiranog broja kontrola, imajući u vidu da je za 2025. godinu planirano 1100, a arhivirano je ukupno 1189 kontrola. Kada je riječ o potpunim kontrolama, planirano je 555 a izvršeno 612 potpunih kontrola, što je za približno 10% više u odnosu na plan. (*Tabela 8.*)

**Tabela 8. Planirane i realizovane aktivnosti  
Odsjeka za kontrolu velikih poreskih obveznika**

Grupe za kontrolu velikih poreskih obveznika	Broj izvršenih kontrola u periodu I-VI 2024. god.	Broj planiranih kontrola u periodu I-VI 2025. god.	Broj izvršenih kontrola u periodu I-VI 2025. god.	Broj izvršenih kontrola u periodu I-VI 2025. god. u odnosu na period I-VI 2024. god. (%)	Realizacija planiranih kontrola za period I-VI 2025. god. (%)
	1	2	3	4=3/1	5=3/2
Banjaluka	335	300	352	105,07%	117,33%
Mostar	187	190	208	111,23%	109,47%
Sarajevo	340	345	378	111,18%	109,57%
Tuzla	301	265	251	83,39%	94,72%
<b>Ukupno sve kontrole</b>	<b>1163</b>	<b>1100</b>	<b>1189</b>	<b>102,24%</b>	<b>108,09%</b>
<b>Ukupno potpune kontrole</b>	<b>609</b>	<b>555</b>	<b>612</b>	<b>100,49%</b>	<b>110,27%</b>

Ukupni bruto efekti tj. razrezi dodatno utvrđene obaveze po rješenjima inspektora u kontrolama iznose 16.653.994,74 KM, dok neto efekti (koji se dobiju kada se od bruto efekata oduzmu iznosi poništenih rješenja iz tekuće i prethodnih godina) iznose 13.738.844,76 KM. Bruto efekti u izvještajnom periodu niži su za oko 53% u odnosu na isti period 2024. godine, kada su iznosili 35.234.023,70 KM. Neto efekti kontrola iznose 13.738.844,76 KM, i su niži za približno 45% u odnosu na isti period 2024. godine, kada su iznosili 25.129.325,41 KM. Najznačajniji razlog smanjenja bruto i neto efekata u 2025. godine u poređenju sa istim periodom 2024. godine je visok razrez dodatne poreske obaveze u nekoliko pojedinačnih kontrola za koje su prvostepena rješenja uručena tokom 2024. godine.

Tokom 2025. godine je u kontroli velikih poreskih obveznika izdato ukupno 706 prekršajnih naloga, što je više za približno 27% u odnosu na isti period 2024. godine kada su izdata 554 prekršajna naloga. Iznos izrečenih kazni za prekršaje u 2025. godine je ukupno 3.247.850,58 KM, što je nešto iznad iznosa iz 2024. godine kada su izrečene kazne za prekršaje iznosile ukupno 3.206.124,50 KM. Naplaćene kazne za prekršaje u 2025. godini iznose 615.259,27 KM, što je za oko 20% više u odnosu na 2024. godine, kada je naplaćeno ukupno 509.867,33 KM po osnovu prekršaja.

**Tabela 9. Rad po podnesenim žalbama  
u postupku poreske kontrole**

Red. Broj	Rad po žalbama	GKVPO RC Banja Luka	GKVPO RC Mostar	GKVPO RC Sarajevo	GKVPO RC Tuzla	Ukupno
1.	Zaprimljeno žalbi	11	7	9	8	35
2.	Broj odbačenih žalbi	0	0	1	0	1
3.	Broj odbijenih žalbi	9	1	7	6	23
4.	Riješeno u meritumu - broj uvažениh i djelimično uvažениh žalbi	1	0	0	0	1
5.	Broj predmeta vraćenih na ponovni postupak	0	3	1	2	6
6.	Broj žalbi od kojih je stranka odustala u toku postupka/ obustavljen postupak po drugom osnovu	0	0	0	1	1

#### 5.4. Suzbijanje krivičnih djela i prekršaja

U izvještajnom periodu aktivnosti na provođenju obavještajno-analičkog rada su bile usmjerene na prikupljanju i analizi podataka i informacija iz oblasti indirektnih poreza, kao i samoprocjeni i dostavljanju obavještajnih informacija relevantnih za otkrivanje i sprječavanje svih oblika krijumčarenja i povreda propisa o indirektnom oporezivanju. Na nadležno postupanje organizacionim jedinicama UIO, kao i drugim državnim/entitetskim organima, upućeno je ukupno 760 informacija, od kojih su po osnovu 408 dobijene povratne informacije evidentiran rezultat u ukupnom iznosu od 4.859 mil. KM. Takođe su vršene komparativne analize značajnih roba na mjesečnom nivou (analiza uvoza/izvoza mesa i jestivih klaoničkih proizvoda; analiza uvoza/izvoza kafe; analiza uvoza/izvoza nafte i naftnih derivata ; analiza uvoza/izvoza tekstila i tekstilnih proizvoda), te praćenje uvoza i izvoza duvana i duvanskih prerađevina. Izrađena je analiza prodaje, putem društvenih mreža, mašina za punjenje cigareta koja je dostavljena na nadležno postupanje organizacionim jedinicama, kao i analiza prenosa gotovine u/iz carinskog područja BiH.

Provedene su četiri operativne akcije na nivou UIO „MARKET 2“ - sprečavanje ilegalnog prometovanja duhana i duhanskih prerađevina koja je rezultirala privremenim oduzimanjem većih količina duhana i duhanskih prerađevina, kao i električnih-pneumatskih mašina za punjenje/rezanje cigareta, rizli za motanje duhana,

vaga za vaganje duhana i filtera za punjenje cigareta procijenjene vrijednosti oko 2.432 mil.KM; akcija „KURIR“ - selekcija, profilisanje i identifikacija poštanskih pismonosnih, paketskih i kurirskih pošiljki u međunarodnom poštanskom i kurirskom prometu koja je rezultirala otkrivanjem određene količine narkotičkih sredstava koje su ustupljene u daljnji rad nadležnim policijskim agencijama (ukupno 12 slučajeva - oko 50 g skanka, 1.114 g baze za krek, 296 g kokaina, oko 520 g kanabisa, oko 26 g heroina, određena količina feminiziranog sjemena kanabisa kao i određena količina dijelova za pušku i pištolj); akcija „CASH 2025-2026“ - selekcija, profilisanje i identifikacija rizičnih putnika u cestovnom i avio prometu s ciljem kontrole nezakonitog prenosa novca u/iz carinskog područja BiH i „KRUG“ - selekcija, profiliranje i identifikacija rizičnih pošiljki koje ulaze i izlaze u/iz carinskog područja BiH, kao i pojačana kontrola robe i putnika na carinskim referatima na graničnim prelazima).

Osim oduzimanja duhana i duhanskih proizvoda ostvareni su značajni rezultati i na oduzimanju drugih vrsta roba, prvenstveno tekstila i tekstilnih proizvoda, auto dijelova, automobila, tehničke roba, torbi, medicinske opreme i lijekova, obuće, satova, zlata i nakita koji asocira na zlato, zatim kozmetičkih, higijenskih proizvoda i parfema, naočala i futrola, PMV, kao i drugih roba. Aktivnosti na otkrivanju i sprečavanju povreda propisa, suzbijanju nelegalnog prometa roba bez porijekla na teritoriji BiH, sa posebnim akcentom na nedozvoljenom prometu akciznih proizvoda prvenstveno duhana i duhanskih prerađevina, kao i otkrivanje i sprečavanje krijumčarenja i ilegalnog prekograničnog prometa roba rezultirale su podnošenjem 308 zahtjeva za pokretanje prekršajnog postupka, ukupno je izdato 732 prekršajna naloga kojima su izrečene novčane kazne u ukupnom iznosu od 668.300,00 KM, i privremeno oduzeta roba procijenjene vrijednosti oko 11.687.172,38 KM. Također, značajni rezultati su ostvareni i na otkrivanju nepravilnosti iz nadležnosti drugih organizacionih jedinica UIO ili drugih agencija za provođenje zakona, i u izvještajnom periodu je u 14 slučajeva ustupljena roba ukupno procijenjene vrijednosti cca 877.678,98 KM te je bio jedan slučaj naplate protivvrijednosti po izdatom prekršajnom nalogu u iznosu od 675,88 KM. U oblasti sprečavanja krijumčarenja i prekršaja otkriveno je i procesuirano 13 krivičnih djela (nedozvoljeni promet akciznih proizvoda i krijumčarenje) te su otkrili i ustupili istragama 14 krivičnih djela. U toku 2025. godine izvršena je nabavka 4 ručna skenera, kao i obuka za korištenje istih za službenike grupa za sprečavanje krijumčarenja i prekršaja iz sva četiri RC.

Kada je riječ o istraživanju, otkrivanju i procesuiranju djela koja se odnose na nezakonitosti kojima se pričinjavaju veći iznosi štete po budžet, pod nadzorom Tužilaštva BiH u izvještajnom periodu, nastavljen je rad

mješovitih timovi sa drugim agencijama za provođenje zakona za potrebe provođenja zajedničkih mjera i radnji. Ovdje izdvajamo rad na prikupljanju dokaza u složenoj istrazi sa policijskim službenicima Državne agencije za istrage i zaštitu, pod nadzorom Tužilaštva Bosne i Hercegovine, u kojoj je otkrivena organizovana mreža fizičkih i pravnih lica koja su na teritoriji BiH distribuirala robu deterdžente za pranje veša sumnjivog porijekla, kvaliteta i često krivotvorenog brendiranja, uz izbjegavanje plaćanja propisanih carinskih i poreskih obaveza. U pomenutom predmetu su izvršeni pretresi poslovnih prostorija, privremeno oduzeta poslovna dokumentacija i predmeti-deterdžent u količini 6000 kg, lišeno slobode 9 lica, te je istražnim radnjama obuhvaćeno 17 pravnih lica čijim radnjama izvršenja krivičnih djela je oštećen Budžet BiH za cca 500.000,00 KM. Provođeci aktivnosti na otkrivanju, sprečavanju i procesuiranju krivičnih djela u izvještajnom periodu nadležnim tužilaštvima na postupanje su dostavljene 62 prijave o postojanju osnova sumnje o počinjenom krivičnom djelu i počiniocu (izvještaja, informacija i dopuna), kojima je prijavljena šteta u ukupnom iznosu od 16.863.545,20 KM. Analizirajući prijavljena krivična djela po njihovoj kvalifikaciji, od upućenih prijava nadležnim tužilaštvima najviše se odnosi na krivično djelo „Poreska utaja ili prevara“ 43 prijave sa prijavljenim iznosom štete 13.329.007,84 KM, te na krivično djelo „Nedozvoljen promet akciznih proizvoda“ 12 prijave sa prijavljenim iznosom štete 392.310,29 KM U izvještajnom periodu doneseno je 14 presuda po prijavama koje su podnesene nadležnim tužilaštvima od strane organizacionih jedinica za istrage u prethodnim godinama.

Tokom 2025. godine, zaprimljeno je ukupno 699 prijava dostavljenih putem e-mail, otvorene linije, redovna pošte ili viber broja, na osnovu kojih je sačinjeno i proslijeđeno na nadležno postupanje 614 izlaznih informacija. Osim toga, u svrhu obezbjeđivanja pravovremene koordinaciju na protoku svih obavještajnih informacija organizacionim jedinicama UIO, te drugim nadležnim institucijama proslijeđeno je 606 informacija (obavještajni obrazac 4x4, putem akta ili e-maila).

U oblasti međunarodne obavještajne saradnje upućeno je 35 zahtjeva za administrativnu asistenciju prema carinskim i poreskim administracijama drugih država, dok je od strane istih, zaprimljeno ukupno četiri zahtjeva za administrativnu asistenciju. Takođe, proslijeđeno je ukupno 18 zahtjeva prema kontakt tačkama za razmjenu operativnih informacija sa carinskim administracijama Republike Hrvatske, Republike Srbije i Crne Gore, dok je od strane istih, u navedenom

periodu, zaprimljeno ukupno 26 zahtjeva za provjere. Osim toga, organizacione jedinice za obavještajni rad učestvovala su u provođenju međunarodnih operativnih akcija i to: OA CUSTOS VIRIDIS, koja je usmjerena na borbu protiv krivičnih djela povezanim sa otpadom u organizaciji Svjetske carinske organizacije, OA STINGRAY koja je usmjerena na podizanje svijesti o rizicima koji se odnose na radiološke i nuklearne materijale, OA PANGEA VII, koja je usmjerena na borbu protiv krivičnih djela farmaceutskog kriminala, OA PANDORA X usmjerena na borbu protiv nezakonite trgovine kulturnim dobrima, u organizaciji INTERPOL-a i Svjetske carinske organizacije (SCO), OA LAKE 2024-25 usmjerena na borbu protiv krijumčarenja električnih jegulja van granica EU, OA THUNDER 25 usmjerena na borbu protiv ilegalnog prometa divljih životinja i šumskog kriminala, OA DEMETER XI usmjerena na suzbijanje nezakonitog prekograničnog kretanja otpada, kontrolisanog Bazelskom konvencijom o kontroli prekograničnog kretanja opasnog otpada i njegovog odlaganja, kao i supstanci koje oštećuju ozonski omotač, koji se kontrolišu Montrealskim protokolom, OA JAD SEE 25/26, koja se odnosi na EMPACT za vatreno oružje, EMPACT za kokain, kanabis i heroin, EMPACT za trgovinu ljudima, EMPACT za ilegalne migracije i EMPACT mreže visokorizičnog kriminala, u organizaciji EUROPOL-a, OA WISE usmjerena na borbu protiv ilegalnih pošiljki otpada i lokacije za upravljanje otpadom, koju koordiniše Republika Mađarska, u saradnji sa Centrom za provođenje zakona u jugoistočnoj Evropi (SELEC), OA TORNADO usmjerena na borbu protiv kriminalnih aktivnosti u vezi sa „crnim“ tržištima (Dark Web) prodavnicama sa jednim dobavljačem, servisima za razmjenu poruka i druge kriminalne platforme, OA „GLOBAL GATEWAY“, koja se odnosi na suzbijanje prijetnje ilegalne konverzije oružja za uzbuđivanje i signale u smrtonosno vatreno oružje i druge uređaje, koju konverziju preferiraju pojedinci i organizovane kriminalne grupe, u organizaciji EUROPOL-a, OA CONVERSUS usmjerena na suzbijanje prijetnje ilegalne konverzije oružja za uzbuđivanje i signale, u smrtonosno vatreno oružje i druge uređaje, koju konverziju preferiraju pojedinci i organizovane kriminalne grupe, s posebnim akcentom na oružje za alarmiranje i signale, koje je uvezeno iz Turske, OA eVaper8 usmjerena na identifikaciju ključnih ilegalnih izvora i tački (re)distribucije elektronskih cigareta, vaporizatora ili srodnih proizvoda, za koje se sumnja da sadrže nove psihoaktivne supstance (NPS), neovlaštene farmaceutske proizvode ili druge opasne supstance, OA STOP IV koja je usmjerena na presretanje i zapljene lažnih i nekvalitetnih lijekova i svih drugih proizvoda za svakodnevnu potrošnju, koja bi mogla

povrijediti pravo intelektualne svojine putem e-trgovine, sa akcentom na potrošačke proizvode koji utječu na zdravlje i sigurnost. Takođe, u izvještajnom periodu, potvrđeno je učešće u sprovođenju operativne akcije Balkan Eue-I, koja je usmjerena na ciljanje, otkrivanje i presretanje putnika i pošiljki visokog rizika preko aerodroma, kopnenih granica i ostalih luka u jugoistočnoj Evropi. U okviru projekata koje provodi UNDP zajedno sa UIO („Unapređenje kapaciteta agencija za provođenje zakona u oblasti malog oružja i lakog naoružanja) održan je jedan sastanak Projektnog odbora, te je održana 1. zajednička vježba između BiH i Srbije (26-28.11.2025. godine u Konjicu a druga je planirana u februaru 2026. godine). Takođe, aktivno se učestvovalo u regionalnom projektu „Hermess“ koji se fokusira na suzbijanje trgovine vatrenim oružjem, njegovim dijelovima i municijom u pošiljkama brze pošte i poštanskim paketima koji je UNODOC pokrenuo u martu 2023. godine kroz svoj Globalni program vatrenog oružja (GFP). Značajan doprinos službenika iz oblasti provođenja propisa dat je kroz učešće u izvještavanju po raznim strateškim dokumentima na nivou BiH (Strategija za kontrolu malog oružja i lakog naoružanja u BiH, Strategija BiH za sprečavanje širenja oružja za masovno uništavanje, Akcioni plan za borbu protiv pranja novca i finansiranja terorizma kao i Akcioni plan za borbu protiv pranja novca i finansiranja terorizma u BiH povezanih sa virtualnom imovinom, Strategija za borbu protiv organizovanog kriminala 2023-2026 i drugi), kao i u izradi novih strateških dokumenata (Državna strategija i Akcioni plan nadzora nad opojnim drogama, sprečavanja i suzbijanja zloupotrebe opojnih droga za period 2024-2028. godina), zatim kroz učešće u dostavljanju odgovora na razne upitnike koji su traženi, između ostalog, od strane Ministarstva bezbjednosti BiH u svrhu dostavljanja odgovora za potrebe 5. kruga MONEYVAL evaluacije Bosne i Hercegovine od strane Komiteta eksperata za procjenu mjera protiv pranja novca i finansiranja terorizma, zatim za potrebe izrade nove Procjene prijetnji od ozbiljnog i organizovanog kriminala (SOCTA) i procjene rizika od finansiranja proliferacije u BiH za period 2023-2027. godine.

## 6. OSTALE AKTIVNOSTI REALIZOVANE U IZVJEŠTAJNOM PERIODU

U oblasti poreza u izvještajnom periodu su preduzimate aktivnosti pružanje podrške poreskim obveznicima na registraciji i upisu u Jedinostveni registar obveznika indirektnih poreza, izmjenu podataka, provođenje postupka prestanka registracije i brisanje iz Jedinostvenog registra obveznika indirektnih poreza, te provođenje postupka priznavanja prava na paušalnu naknadu, povrata plaćene akcize na lož ulje, alkohol i etil alkohol. U provođenju ovih aktivnosti riješeno je ukupno 12.791 predmeta u prvostepenom upravnom postupku. Najznačajniji dio riješenih predmeta odnosi se na provedene postupke registracije i upisa u Jedinostveni registar (4.534 - što je za 994 predmeta više u odnosu na isti period 2024. godine) i zahtjeve za povrat plaćene akcize na lož ulje i alkohol i etil alkohol (3.477). Iznos povrata akcize plaćene na lož ulje, alkohol i etil alkohol prema donesenim rješenjima u 2025. godini iznosi 10.093 mil. KM i isti je manji za 942.567,36 KM u odnosu na iznos povrata akcize na lož ulje, alkohol i etil alkohol u istom periodu 2024. godine kada je iznosio 11.035 mil. KM. U ovom periodu riješeno je 194 zahtjeva za priznavanje prava na utvrđivanje ukupne količine za koju se može ostvariti pravo na povrat akcize na ulje za loženje (PPLO), po zahtjevima je sačinjeno 11.838 potvrda u vezi statusa lica u JR i izdato 161 prekršajnih naloga koji se odnose na neprijavlivanje promjene podataka u JR. Sačinjeno je 27 nacrtu rješenja u prvom stepenu po žalbama izjavljenim na rješenja donesena u okviru upravnih postupaka vezanih za Jedinostveni registar obveznika indirektnih poreza.

U izvještajnom periodu kreirano je ukupno 646.781 PDV prijava, od toga broja na redovne PDV prijave se odnosi 629.935 prijava, na izmijenjene 15.585 i na dodatne 1.261 PDV prijava. U ovom periodu proknjiženo je ukupno 645.801 PDV prijava, od čega je proknjiženo 629.654 redovnih prijave, te 15.002 izmijenjenih PDV prijave i 1.145 dodatnih PDV prijave.

Broj ukupno kreiranih PDA prijave za domaću akcizu iznosio je 3.621, odnosno kreirano je 3.529 redovnih, 91 izmijenjena i 1 dodatna PDA prijava. Proknjiženo je ukupno 3.620 PDA prijave u navedenom periodu, od tog broja proknjiženo je 3.528 redovnih, 91 izmijenjena i 1 dodatna PDA prijave. Realizovano

je ukupno 14.594 unosa izvještaja obveznika u posebnoj šemi u građevinarstvu u periodu januar – decembar 2025. godine. Takođe, izdato je ukupno 7.018 prekršajnih naloga zbog nepodnošenja PDV prijave, kašnjenja prilikom podnošenja PDV prijave i zbog nedostavljanja podataka o knjigovodstvenim evidencijama elektronskim putem. Provedene su aktivnosti na uparivanju 210 neraspoređenih uplata po zahtjevima obveznika, te je doneseno 663 rješenja o povratu PDV-a po osnovu PDV prijave i 9.101 rješenja o povratu neiskorištenog poreskog kredita.

U izvještajnom periodu za povrat PDV-a stranim pravnim licima pokrenuto je 314 upravnih postupaka - zahtjeva za povrat PDV-a stranim pravnim licima, uz dodatak 46 predmeta prenesenih iz prethodne godine, postupano je po ukupno 360 predmeta. Od ukupnog broja predmeta riješeno je 327 predmeta (302 uvaženo, 18 odbijeno i 7 zahtjeva odbačena) po osnovu kojih je odobren povrat u iznosu od 16.257.957,54 KM, odbijen je iznos 1.625.333,95 KM, dok je zaključcima odbačen iznos od 234.039,27 KM. U vezi sa povratom indirektnih poreze po osnovu međunarodnih ugovora zaprimljeno je ukupno 2.842 zahtjeva za povrat PDV-a po osnovu člana 29. Zakona o porezu na dodatu vrijednost (u navedenom ukupnom broju od 2.842 podnijeta zahtjeva sadržano je i 408 zahtjeva iz 2024. godine). Od navedenog ukupnog broja podnijetih zahtjeva za povrat PDV-a, 1.839 zahtjeva se odnosi na povrate za diplomatska i konzularna predstavništva, međunarodne organizacije i osoblje, a 1.003 zahtjeva se odnosi na povrat PDV-a u okviru međunarodnih projekata pružanja pomoći. Po navedenim zahtjevima doneseno je ukupno 3.024 rješenja. Za nabavke za službene potrebe ambasada, konzulata i međunarodnih organizacija i osoblja doneseno je 1907 rješenja i odobren je povrat PDV-a u iznosu od 11.670.038,71 KM, a odbijeno u iznosu od 71.692,39 KM. U okviru međunarodnih projekata pružanja pomoći BiH doneseno je 1.117 rješenja i odobren je povrat PDV-a u iznosu 107.203.915,74 KM, a odbijeno u iznosu od 491.943,98 KM.

U izvještajnom periodu ukupno odobreni povrat PDV-a iznosi 118.873.954,45 KM, a ukupno odbijeni povrat PDV-a iznosi 563.636,37 KM.

Aktivnosti odsjeka za poreze u regionalnim centrima UIO u izvještajnom periodu preduzimane su na izvršavanju redovnih poslova koji, između ostalog, podrazumijevaju rješavanje u prvostepenom upravnom postupku, odnosno na donošenju odluka po žalbama izjavljenim na rješenja donesena u postupcima iz nadležnosti odsjeka. U tabelarnom pregledu (*Tabela 10*) iskazani su podaci o broju zaprimljenih žalbi, te broju i ishodu donijetih prvostepenih odluka u regionalnim centrima.

**Tabela 10. Pregled pokazatelja provedenih aktivnosti odsjeka za poreze u regionalnim centrima u periodu 01.01 - 31.12.2025. godine**

Red. Broj	Radni zadaci Odsjeka za poreze	RC Banja Luka	RC Mostar	RC Sarajevo	RC Tuzla	Ukupno
1.	Zaprimljeno žalbi	65	57	86	90	<b>298</b>
2.	Broj odbačenih žalbi	1	2	5	4	<b>12</b>
3.	Broj odbijenih žalbi	49	25	64	60	<b>198</b>
4.	Riješeno u meritumu - broj uvažanih i djelimično uvažanih žalbi	0	3	0	0	<b>3</b>
5.	Broj predmeta vraćenih na ponovni postupak	16	22	21	20	<b>79</b>
6.	Broj žalbi od kojih je stranka odustala u toku postupka/ obustavljen postupak po drugom osnovu	3	0	1	3	<b>7</b>
7.	Broj donesenih rješenja u postupku po zahtjevu za priznavanje prava za paušalnu naknadu	233	85	91	221	<b>630</b>

U oblasti carina u izvještajnom periodu zabilježen je porast obima obrade carinskih deklaracija u odnosu na 2024. godinu. Ukupno je obrađeno 1.289.997 carinskih deklaracija, što predstavlja povećanje od 4,91% u odnosu na prethodnu godinu, kada je obrađeno 1.229.667 deklaracija (*Tabela 11*).

**Tabela 11. Uporedni prikaz obrađenih carinskih deklaracija u periodu 2024 - 2025. godine**

Regionalni centar	Obrađene carinske deklaracije		Procentualna promjena u odnosu na 2024. godinu
	Godina 2025.	Godina 2024.	
BANJA LUKA	442.162	416.899	6,06 %
SARAJEVO	294.937	274.798	7,33 %
MOSTAR	202.475	195.931	3,34 %
TUZLA	350.423	342.039	2,45 %
<b>U K U P N O</b>	<b>1.289.997</b>	<b>1.229.667</b>	<b>4,91 %</b>

Ukupno je obrađeno 924.942 uvoznih (IM) carinskih deklaracija što je za 6,03% ili za 52.606 više obrađenih deklaracija u odnosu na period

2024. godine, te je obrađeno 365.055 izvoznih (EX) carinskih deklaracija, što je povećanje u odnosu na isti period 2024.godinu za 1,62%, odnosno za 5.835 deklaracija. U tabelarnom pregledu (*Tabela 12*) iskazan je pregled obrađenih carinskih deklaracija u regionalnim centrima po vrstama carinskih deklaracija.

**Tabela 12. Vrste obrađenih carinskih deklaracija u regionalnim centrima**

Vrsta deklar.	RC Banja Luka			RC Sarajevo			RC Mostar			RC Tuzla			UKUPNO		
	2025	2024	%	2025	2024	%	2025	2024	%	2025	2024	%	2025	2024	%
EX-A	92.706	91.085	1,78%	68.760	64.290	6,95%	50.672	50.312	0,72%	106.903	95.542	11,89%	319.041	301.229	5,91%
EX-C	13.250	13.010	1,84%	2.523	2.834	-10,97%	9.195	9.856	-6,71%	10.433	22.846	-54,33%	35.401	48.546	-27,08%
EX-D	2.619	2.617	0,08%	2.384	2.240	6,43%	1.444	1.169	23,52%	1.819	1.184	53,63%	8.266	7.210	14,65%
EX-E	533	637	-16,33%	1.148	954	20,34%	237	223	6,28%	429	421	1,90%	2.347	2.235	5,01%
IM-H	318.516	295.908	7,64%	211.867	195.815	8,20%	133.822	127.188	5,22%	221.925	213.883	3,76%	886.130	832.794	6,40%
IM-I	10.889	10.338	5,33%	5.017	5.035	-0,36%	4.378	4.469	-2,04%	6.646	7.932	-16,21%	26.930	27.774	-3,04%
IM-J	3.016	2.718	10,96%	3.050	3.543	-13,91%	2.724	2.713	0,41%	1.952	1.894	3,06%	10.742	10.868	-1,16%
IM-K	633	586	8,02%	188	87	116,09%	3	1	200,00%	316	226	39,82%	1.140	900	26,67%
<b>Σ EX+IM</b>	<b>442.162</b>	<b>416.899</b>	<b>6,06%</b>	<b>294.937</b>	<b>274.798</b>	<b>7,33%</b>	<b>202.475</b>	<b>195.931</b>	<b>3,34%</b>	<b>350.423</b>	<b>343.928</b>	<b>1,89%</b>	<b>1.289.997</b>	<b>1.231.556</b>	<b>4,75%</b>
<b>Σ EX</b>	<b>109.108</b>	<b>107.349</b>	<b>1,64%</b>	<b>74.815</b>	<b>70.318</b>	<b>6,40%</b>	<b>61.548</b>	<b>61.560</b>	<b>-0,02%</b>	<b>119.584</b>	<b>119.993</b>	<b>-0,34%</b>	<b>365.055</b>	<b>359.220</b>	<b>1,62%</b>
<b>Σ IM</b>	<b>333.054</b>	<b>309.550</b>	<b>7,59%</b>	<b>220.122</b>	<b>204.480</b>	<b>7,65%</b>	<b>140.927</b>	<b>134.371</b>	<b>4,88%</b>	<b>230.839</b>	<b>223.935</b>	<b>3,08%</b>	<b>924.942</b>	<b>872.336</b>	<b>6,03%</b>

**Napomena: Pojašnjenje oznake vrste carinskog postupka u carinskoj deklaraciji**

**EX-A** – postupak izvoza i privremenog izvoza (osim spoljne obrade)

**EX-C** – ponovni izvoz nakon carinskog postupka s ekonomskim dejstvom (unutrašnja obrada po sistemu odgođenog plaćanja, privremeni uvoz, obrada pod car.kontrolom) osim postupka carin.skladištenja

**EX-D** – ponovni izvoz nakon postupka carinskog skladištenja

**EX-E** – spoljna obrada (privremeni izvoz u okviru postupka spoljne obrade)

**IM-H** – puštanje robe u slobodan promet (i uništenje)

**IM-I** – stavljanje robe u carinski postupak s ekonomskim dejstvom (unutrašnja obrada po sistemu odgođenog plaćanja, privremeni uvoz, obrada pod carinskom kontrolom), osim spoljne obrade i postupka carinskog skladištenja;

**IM-J** – stavljanje (smještaj) robe u carinsko skladište tipa A, B, C, F;

stavljanje robe u carinsko skladište tipa E

**IM-K** – stavljanje robe u carinsko skladište tipa D; stavljanje robe u carinsko skladište tipa E

U odnosu na ukupan broj carinskih deklaracija (1.289.997) RC Banja Luka je obradio 34,28%, RC Sarajevo 22,86%, RC Mostar 15,70%, te RC Tuzla 27,16% deklaracija.

Sagledavajući obim uvoznih (IM) i izvoznih (EX) carinskih deklaracija po regionalnim centrima primjetna su povećanja, odnosno smanjenja broja obrađenih deklaracija (EX) u 2025.godini u odnosu na 2024.godinu i to:

- u RC Banja Luka uvoznih (IM) je za 7,59% više, izvoznih (EX) je za 1,64% više;
- u RC Sarajevo uvoznih (IM) je za 7,65% više, izvoznih (EX) je za 6,40% više;
- u RC Mostar uvoznih (IM) je za 4,88% više, izvoznih (EX) je za 0,02% manje;
- u RC Tuzla uvoznih (IM) je za 3,08% više, izvoznih (EX) je za 0,34% manje.

U RC Banja Luka i Mostar, u odnosu na carinske deklaracije za isti period 2024.godine primjećen je pad izvoznih carinskih deklaracija, dok RC Tuzla i RC Sarajevo imaju povećanje izvoznih carinskih deklaracija. U pogledu uvoznih deklaracija svi regionalni centri su imali povećanje broja podnesenih i obrađenih deklaracija.

U prvostepenom carinsko upravnom postupku u izvještajnom periodu zaprimljeno je ukupno 16.637 zahtjeva za pokretanje upravnog postupka od čega je riješeno 9.357 predmeta, te je u istom periodu riješeno i 6.787 upravnih predmeta prenesena iz prethodne godine, te je u 2025. godini riješeno ukupno 16.144 prvostepeni carinskih upravnih predmeta. U tabelarnom pregledu iskazan je broj zaprimljenih i broj riješenih upravnih predmeta u RC u 2025. godini (*Tabela 13*)

***Tabela 13. Pregled prvostepeni carinskih upravnih predmeta iskazanih po RC***

BROJ PRVOSTEPENIH UPRAVNIH PREDMETA U CARINSKOM POSTUPKU PO RC OD 01.01 - 31.12.2025. godine		
Regionalni centar	Broj zaprimljenih zahtjeva za pokretanje upravnog postupka	Broj ukupno riješenih upravnih predmeta
RC BANJA LUKA	6.396	6651
RC SARAJEVO	2.541	2.544
RC MOSTAR	4.425	3.718
RC TUZLA	3.275	3.231
UKUPNO	16.637	16.144

U izvještajnom periodu zaprimljeno je 94 zahtjeva za izdavanje obavezujuće informacije o tarifnom svrstavanju robe (OIT) i doneseno je 66 obavezujućih informacija o tarifnom svrstavanju robe, te je sačinjeno 17 mišljenja u pogledu utvrđivanja carinskog tarifnog stava po osnovu 49 zaprimljenih

zahtjeva. Osim toga, zaprimljeno je 25 zahtjeva za izdavanje obavezujuće informacije o preferencijalnom porijeklu robe (OIPP) i doneseno je 24 obavezujućih informacija o preferencijalnom porijeklu robe, te je zaprimljeno 67 zahtjeva za dobijanje statusa ovlaštenog izvoznika i za izmjene i dopune odobrenja za sticanje statusa ovlaštenog izvoznika po osnovu kojih je izdato 55 odobrenja za status ovlaštenog izvoznika i izmjena i dopuna odobrenja za sticanje statusa ovlaštenog izvoznika. U svrhu provjera vjerodostojnosti faktura i naknadnih provjera dokaza o porijeklu upućeno je na provjeru ukupno 4.100 faktura i dokaza o porijeklu. U istom periodu zaprimljeno je 3.183 rezultata naknadne provjere, od kojih je 1.127 pozitivno i 2020 negativnih provjera a za 36 zahtjeva za provjeru zemlje nisu mogle dostaviti odgovor uz navođenje razloga.

U oblasti zaštite intelektualne svojine, zabrane i ograničenja pokrenuo je 95 upravnih predmeta po osnovu: 92 postupaka po zahtjevima za preduzimanje carinskih mjera zaštite intelektualne svojine, tri postupaka po osnovu preduzimanja carinskih mjera zaštite intelektualne svojine zbog povrede prava intelektualne svojine (privremeno zadržavanje robe – 2 i oduzimanje i uništenje krivotvorene robe- 1.)-U izvještajnom periodu doneseno je 91 rješenje u postupcima preduzimanja carinskih mjera zaštite intelektualne svojine. Održana je obuka za carinske službenike na temu „Prepoznavanje krivotvorenih roba, proizvoda čiji promet krši prava intelektualne svojine“ i na temu „Prepoznavanje krivotvorenih roba“. Tokom izvještajnog perioda predstavnik iz UIO je učestvovao u radu Radne grupe za evropske integracije za Poglavlje 7 - Pravo intelektualne svojine, te uključeni u projekte i međunarodnu saradnju u provođenju Strategije kontrole SALW, učešće u UNODC i UNDP projektima (HERMES, LEAD), međunarodnim operativnim akcijama u organizaciji EUROPOL-a, INTERPOL-a i SCO-a, učešće u radnim grupama i konvencijama (MEDICRIME, BASEL), te koordinaciji regionalnih i međunarodnih inicijativa, programa kontrole kontejnera i aktivnosti vezanih za olakšavanje trgovine i kadrovsku podršku Sektoru za carine.

U oblasti laboratorijskih analiza zaprimljeno je 311 uzoraka za prvu analizu, te šest uzoraka za kontrolnu analizu i iz prethodne godine je preneseno 10 uzoraka za prvu analizu. Završeno je 293 prvih analiza iz 2025. godine i 10 analiza na uzorcima koji su preneseni iz prošle godine, dok je u postupku rada 18 uzoraka., od kojih je šest uzoraka zaprimljeno zadnji dan 2025. godine. Na ostalim uzorcima nije izvršeno laboratorijsko ispitivanje zbog kvara na opremi, te jedan dio uzoraka je u postupku slanja u jednu od carinskih laboratorija EU, a eksterna laboratorija je bila angažovana za jedan uzorak. U strukturi zaprimljenih uzoraka

najviše je roba iz prehrambene industrije (95), mineralnih goriva (64), proizvodi hemijske industrije (49), mesa (30), masti i ulja (23) itd. U izvještajnom periodu pripremljeno je novo Uputstvo o postupku uzimanja uzorka robe od strane carinskog organa, za koje su provedene e-konsultacije i u postupku je lektorisanja na službene jezike u Bosni i Hercegovini.

U oblasti nadzora i provjera u okviru provoza, odnosno NCTS-a u izvještajnom periodu je u sistemu registrovano 256.957 elektronskih proвозnih deklaracija sa različitim statusima (podnesena, prihvaćena, puštena u provoz, osiguranje u procesu registracije, osiguranje registrovano, poništena, pristigla, pošiljka razdužena, preporučena potraga, pokrenut postupak potrage, nije puštena u provoz, odbijena). Takođe, održavani su redovni mjesečni sastanci sa predstavnicima DG TAXUD-a u vezi sa završnim pripremama ispunjavanja uslova za pristupanje BiH Konvenciji o zajedničkom proвозnom postupku (CTC Konvencija) i Konvenciji o pojednostavljenju formalnosti u trgovini robom (JCI Konvencija). Kontinuirano se vrši praćenje aktivnosti koje provodi Evropska komisija - DG TAXUD za buduće izmjene regulative iz oblasti postupka provoza, kao i izmjene i dopune u NCTS aplikaciji, te je u tom pogledu realizovano učešće na 198. sastanku EU-CTC radne Grupe i 25. sastanku nacionalnih tranzitnih koordinatora koji su se održali u aprilu 2025. godine u Briselu. Takođe, održan je "na daljinu" i 1. sastanak s DG TAXUD-om u vezi usklađivanja zakonodavstva i poslovnog dijela, a prisustvovalo je "na daljinu" i godišnjem zasjedanju Savjeta Svjetske carinske organizacije.

U izvještajnom periodu predstavnici Evropske komisije i zemalja zajedničkog provoza izvršili su pred-monitoring misiju, u kojoj je vršena analiza spremnosti UIO i BiH za početak pristupnog procesa. Realizovano je učešće na 199. sastanku EU-CTC radne Grupe i 38. sastanku EU-CTC Zajedničkog odbora za zajednički tranzit i za pojednostavljenje formalnosti u trgovini. Održan je "na daljinu" sastanak s DG TAXUD-om u vezi priprema UIO za razvoj NCTS – faza 6. Takođe, u izvještajnom periodu u okviru provjere i zaključivanje postupka tranzita i osiguranje duga preduzimane su aktivnosti u vezi sa praćenjem TIR karneta (zaprimljeni i poništeni) i rješavanje zahtjeva o prijem u TIR sistem, praćenje garancija za osiguranje duga u postupku provoza, evidentiranje ovlaštenih privrednih subjekata u modul ABS za upravljanje pojednostavljenjima u postupku provoza (ovlašćeni primalac/pošiljalac, posebne plombe)

U okviru pojednostavljenja carinskih postupaka i ovlašćenih privrednih subjekata u izvještajnom periodu zaprimljeno je 56 zahtjeva za izdavanje odobrenja (za pojednostavljene carinske postupke: kućno uvozno i kućno izvozno carinjenje i pojednostavljenja u postupku provoza: sticanje statusa ovlašćenog primaoca, ovlašćenog popiljaoca, korišćenje sveobuhvatnog osiguranja i za izdavanje odobrenja za status ovlašćenog privrednog subjekta –AEO) i po službenoj dužnosti je pokrenuto 10 upravnih postupaka, te je postupano po ukupno 66 predmeta koji su zaprimljeni u 2025. godini i iz prethodne godine preneseno je 12 predmeta, i riješeno je 59 predmeta, dok su ostali u postupku rješavanja.

Zbog počinjenih prekršaja iz oblasti carina u izvještajnom periodu izdato je ukupno 1028 prekršajnih naloga kojima su obračunate novčane kazne u iznosu od 366.510 KM. Nadležnim sudovima podneseno je 99 zahtjeva za pokretanje prekršajnog postupka zbog osnovane sumnje o počinjenom prekršaju.

U oblasti komunikacije u izvještajnom periodu provedene aktivnosti iskazane su u tabelarnom pregledu (*Tabela 14*)

***Tabela 14. Provedene aktivnosti u oblasti komunikacija***

Preduzete aktivnosti	Broj riješenih predmeta
Zaprimljeni i riješeni novinarski upiti	324
Održane konferencije za štampu	3
Izdava saopštenja za javnost	83
Gostovanje u emisijama	40
Rješavanje u skladu sa ZOSPI	71
Davanje informacija pismenim putem	63
Davanje informacija putem e-mail-a	6355
Davanje informacija putem telefona	5890

Pored navedenih aktivnosti u izvještajnom periodu pripremani su podzakonski akti za objavu u „Službenom glasniku BiH“; vršene su jezičke korekcije različitih akata, pripremani odgovori na poslanička pitanja i odgovori na upite zainteresovanih lica. Provedene su aktivnosti na izradi nove interne web stranice UIO koja je tehnički izrađena i u narednom periodu je planirano formiranje novog

uređivačkog tima i održavanje sastanaka na kojima će se izvršiti analiza funkcionisanja i otkloniti eventualni nedostaci, organizovati obuke za službenike zadužene za administraciju i upravljanje sadržajem na novoj intranet stranici. Nakon ovih aktivnosti započeće se sa popunjavanjem baze podataka i sadržaja unutra intraneta. Takođe su do sada otvorena dva servis centra (RC Sarajevo i Tuzla) za pružanje besplatne stručne pomoći obveznicima indirektnih poreza, a u toku je osposobljavanje servis centra u RC Mostar. Redovno se vrši ažuriranje web stranice u dijelu koji se odnosi na pitanja i odgovore iz oblasti PDV-a i akcize i iz oblasti primjene propisa o indirektnom oporezivanju. U oblasti međunarodne saradnje preduzimane su aktivnosti u okviru IPA 2020 i završen je Twinning projekat „Jačanje kapaciteta UIO“ koji su provodili konzorcij Agencije za carine i igre na sreću Italije i Uprave carina Litvanije, a započete su pripreme za novi Twinning projekat za 2026. godinu. U izvještajnom periodu su implementirane aktivnosti iz programa Carine i Fiskalis kroz učešće na sastancima (Carine – 1 radna posjeta i 2 sastanka; Fiskalis- 10 sastanaka uživo i 14 online), te saradnje sa Intra-evropskom organizacijom poreskih administracija (IOTA) kroz učešća službenika UIO u aktivnostima IOTA, (5 događaja uživo i 2 online). Intenzivirana je administrativna saradnja po osnovu Konvencije o međunarodnoj administrativnoj pomoći u poreskim pitanjima („Službeni glasnik BiH – Međunarodni ugovori“ broj: 14/20). U 2025. godine zaprimljeno je 35 zahtjeva za administrativnu pomoć, najviše od Ministarstva finansija Republike Slovenije.

U drugostepenom upravnom postupku u izvještajnom periodu zaprimljeno je ukupno 1.317 upravnih predmeta po žalbama izjavljenim na rješenja donijeta u prvostepenom carinskom i poreskom upravnom postupku (949 carinska upravna predmeta i 368 poreski upravni predmet). Osim zaprimljenih predmeta, iz prethodne godine preneseno je 925 neriješenih upravnih predmeta (799 carinskih i 126 poreskih upravnih predmeta). Od ukupno 2.242 neriješena upravna predmeta u izvještajnom periodu riješeno je 1.232 upravnih predmeta (869 u carinsko-upravnom postupku i 237 u poresko-upravnom postupku). Takođe, u izvještajnom periodu sačinjeno je 814 odgovora na tužbu povodom pokrenutih upravnih sporova kod nadležnih sudova, 122 odgovora na zahtjev za preispitivanje sudske odluke i četiri odgovora na apelacije Ustavnom sudu BiH.

U izvještajnom periodu zaprimljena su 163 zahtjeva za izradu obavezujućih mišljenja, dok je šest zahtjeva preneseno iz prethodne godine, a po kojima su preduzete radnje na način da je izređeno 87 obavezujućih mišljenja iz oblasti indirektnih poreza, 55 obavještenja o nerazmatranju jer nisu bili ispunjeni

uslovi za izradu mišljenja, te je 15 zahtjeva proslijeđeno na postupanje u druge organizacione jedinice UIO, dok se 12 zahtjeva nalazi u radu. U oblasti normativno-pravnih poslova postupano je po zahtjevima Pravobranilaštva i Suda BiH i sačinjena su 33 izjašnjenja (tužbe, preinačena tužba; zapisnik sa pripremnog ročišta; nalaz i mišljenje vještaka; podnesak zakonskog zastupnika i dr.). Trenutno je aktivno ukupno 77 parničnih predmeta (ukupna vrijednost spora 192.929.222,65 KM), te 12 aktivnih parničnih predmeta u kojima je UIO tužilac (ukupna vrijednost spora 578.304,65 KM). U okviru normativne djelatnosti u izvještajnom periodu na web platformi eKonsultacije sproveden je postupak javnih konsultacija sa zainteresovanom javnošću za 19 propisa i drugih akata Uprave za indirektno oporezivanje.

U izvještajnom periodu funkcija interne revizije odvijala se u skladu sa godišnjim planom rada za 2025. godinu, tako da je provedeno 10 revizija, i to revizija upravljanja projektima u Upravi, revizija naknadnog raspoređivanja zaposlenih u platne razrede, revizija mjerenja učinka osnovnih organizacionih jedinica i izvještavanje o ostvarenom učinku, revizija mjerenja učinka poreskih inspektora, revizija mjerenja učinka naknadne carinske kontrole, revizija pokretanja i okončanja prekršajnih postupaka proizašlih iz postupaka kontrole poreskih inspektora, revizija upravljanja kompetencijama zaposlenih na poslovima informisanja poreskih obveznika, revizija mjerenja rezultata i metrike i savjetodavna revizija Stručnoj radnoj grupi za uspostavu i razvoj sistema finansijskog upravljanja i kotnrole. U izvještajima o provedenim revizijama rukovodstvu su date 82 preporuke za unapređenje upravljanja poslovnim procesima, upravljanja rizicima i kontrolama. Pored provođenja pojedinačnih revizija, vršene su provjere realizacije preporuka datih u ranijim godinama, te su kontinuirano pružane savjetodavne usluge u pogledu razvoja sistema finansijskog upravljanja i kontrole u svim organizacionim jedinicama Uprave.

U izvještajnom periodu UIO je provodila aktivnosti na izradi i donošenju strateških dokumenata UIO, odnosno sačinjena je ažurirana Poslovna strategija UIO za period 2025-2029. godina, prijedlog Srednjoročnog plan rada za period 2026-2028. godina i Program rada UIO i UO UIO za 2026. godinu i dostavljeni na razmatranje i odobravanje Upravnom odboru UIO. Sačinjn je Izvještaj o radu UIO za 2024. godinu koji je odobren na 10. sjednici Upravnog odbora, a takođe je u skladu sa obavezom prema Savjetu ministara BiH sačinjen na propisanom obrascu i dostavljen Izvještaj o radu UIO za 2024. godinu, kao i Izvještaj o provođenju SPR UIO 2024-2026. godinu koji je dostavljen Direkciji za ekonomsko planiranje i Ministarstvu

finansija i trezora BiH. Osim izvještaja, sačinjena je informacija o praćenju sprovođenja Programa rada UIO za četiri kvartala 2024. godine, kao i Informacija o analizi ostvarenih rezultata u provođenju Programa rada UIO za 2025. godinu za prva tri kvartal 2025. godine, dok je izrada informacije za četvrti kvartal u toku. U izvještajnom periodu kvartalno se prati stepen realizacije Plana implementacije preporuka MMF-a, UIO - Dijagnostički pregled napretka na reformama o čemu su sačinjene četiri kvartalne informacije. Redovno su pripremane i dostavljane informacije o realizaciji zaključaka Savjeta ministara BiH koji se odnose na materiju iz djelokruga rada Uprave (pet informacija), kao i informacije o realizaciji zaključaka Upravnog odbora UIO i preporuka Kancelarije za reviziju institucija BiH.

U oblasti zaštite tajnih podataka kontinuirano su provođene aktivnosti za bezbjednosno provjeravanje zaposlenih (pokrenut postupak provjere za 188 zaposlenih, doneseno 259 rješenja o postojanju/nepostojanju bezbjednosnih smetnji za pristup tajnim podacima i 168 obavještenja o dobijenim bezbjednosnim dozvolama) koji imaju pravo pristupa podacima obilježenim stepenom tajnosti. Ministarstvo bezbjednosti-Sektor za zaštitu tajnih podataka - Državni bezbjednosni organ održao je četiri obuke iz oblasti zaštite tajnih podataka za 131 zaposlenog u UIO koji su prošli bezbjednosnu provjeru.

U okviru provođenja kontrolnih aktivnosti na obezbjeđivanju zakonitog i jednoobraznog rada organizacionih jedinica UIO u oblasti unutrašnje kontrole postupano je u 22 predmetna slučaja, od kojih su u 16 predmeta okončane kontrolne aktivnosti i u toku je rad na 6 predmeta. U sačinjenim izvještajima dat je 21 prijedlog mjera, od kojih su kontrolisane organizacione jedinice UIO realizovale 15, a za 6 mjera još nije dospio rok za realizaciju (predložene u 12 mjesecu 2025. god.). Kontinuirano su vršene provjere vjerodostojnosti školskih isprava o sticanju školske spreme za zaposlene u Upravi i upućeno je 159 molbi mjerodavnim školskim ustanovama, te su o izvršenim provjerama sačinjene tri informacije direktoru. Aktivnosti unutrašnje kontrole su rezultirale podnošenjem tri disciplinske prijave za težu povredu službene dužnosti, a četiri disciplinske prijave, po prijedlogu unutrašnje kontrole, podnesene su od strane organizacionih jedinica Sektora za carine.

U izvještajnom periodu zaprimljeno je 29 primjedbi na postupanje zaposlenih u UIO, od kojih je za 24 primjedbe i dvije primjedbe prenesene iz prethodnog perioda, okončan postupak ispitivanja osnovanosti i u 11 slučajeva predloženo je preduzimanje mjera, dok je za pet primjedbi postupak ispitivanja osnovanosti u toku. U propisanom roku je okončan postupak ocjenjivanja rada

zaposlenih za 2024. godinu, o čemu su sačinjeni odgovarajući izvještaji koji su dostavljeni Agenciji za državnu službu BiH i direktoru Uprave. U izvještajnom periodu je zaprimljena jedna interna prijava korupcije po kojoj su provedene aktivnosti u skladu sa odredbama Uputstva o uslovima i načinu podnošenja interne prijave od strane zaposlenih u Upravi za indirektno oporezivanje. Sačinjen je Izvještaj o realizaciji mjera u 2024. godini predviđenih Planom integriteta za period 2022-2026. godina za potrebe direktora Uprave i Agencije za prevenciju korupcije i koordinaciju borbe protiv korupcije. Provođene su aktivnosti iz oblasti zaštite ličnih podataka i donesena je Odluka o imenovanju službenika za zaštitu ličnih podataka u UIO.

U oblasti informacionih tehnologija u izvještajnom periodu provedene su značajne aktivnosti oko unapređenja i održavanja Informacionog sistema UIO: razvoj novih i održavanje postojećih aplikacija, instalacije i konfiguracije servera, komunikacione opreme, te unapređenja postojeće virtuelne infrastrukture i infrastrukture javnog ključa. Kontinuirano je pružana tehnička i korisnička podrška u funkcionisanju Informacionog sistema UIO kako internim, tako i eksternim korisnicima, te su organizovani mnogobrojni sastanci, seminari, radionice i obuka za zaposlene u Upravi, koji su se održavali on-line putem video linka uz upotrebu najzastupljenijih aplikacija za kolaboraciju, kao što su: Microsoft Teams, Cisco WebEx, Zoom i slično. Takođe, uspješno je izvršeno završavanje dotrajalih računara novim računarima kao i osposobljavanje nove računarske opreme, pri čemu se posebno ističe činjenica da prilikom procesa zamjene i prebacivanja korisničkih podataka nije dolazilo do prekida poslovnih procesa i aktivnosti na strani korisnika IS UIO. Izrađene su tehničke specifikacije te je podnešena inicijativa za pokretanje postupka javnih nabavki za sve stavke iz nadležnosti Sektora za informacione tehnologije koje su obuhvaćene aktuelnim planom javnih nabavki za 2025. godinu, a odnose se na: održavanje, unapređenje i razvoj hardverskih, softverskih i komunikacionih komponenti IS UIO. U saradnji sa izvođačem projekta, realizovana je započeta nadogradnja video nadzora UIO na graničnim prelazima i objektima koje koristi Uprava u regionalnim centrima: Mostar, Tuzla, Sarajevo i Banjaluka. U sklopu ugovora o vršenju usluga održavanja video nadzora UIO na graničnim prelazima i objektima koje koristi UIO, u saradnji sa ovlaštenim serviserom izvodili su se tehnički pregledi video nadzora UIO na lokacijama obuhvaćenim predmetnim ugovorom. Pri tome se prema unaprijed određenoj dinamici ispituje: ispravnost kamera, snimača, informaciono-komunikacione infrastrukture i drugih stavki bitnih za neometan rad video nadzora na carinskim lokacijama iz predmetnog ugovora kao i otklanjanje ustanovljenih/prijavljenih kvarova ili neispravnosti u radu postojećeg video nadzora UIO. U izvještajnom periodu, u okviru projekta

nadogradnje poreskog informacionog podsistema, službenici Sektora za informacione tehnologije su dali aktivno učešće i pružili svu neophodnu podršku kako bi se nesmetano vršilo planirano podnošenje poreskih prijava potpisanih kvalifikovanom elektronskom potvrdom od strane obveznika indirektnih poreza. Pored unapređenja poreskog informacionog podsistema izvršena je i migracija postojeće aplikacije za elektronsko poslovanje (ePoslovanje) na novu platformu kako bi se unaprijedilo nesmetano podnošenje poreskih prijava uz upotrebu kvalifikovane elektronske potvrde. Od strane Sektora za informacione tehnologije, u saradnji sa predstavnicima DG TAXUD-a, uspješno je izvršena konfiguracija komunikacione opreme isporučene iz Brisela, čime je u Glavnoj kancelariji u Banjaluci i u Regionalnom centru Banjaluka uspostavljena primarna i sekundarna komunikaciona veza sa CCN/CSI mrežom. Izvršena je obuka korisnika za upotrebu aplikacija koje koriste pomenutu mrežnu infrastrukturu, a izvršena su i imenovanja svih aktera i uloga koji su bili neophodni da bi se predmetna mrežna struktura pravilno testirala i u konačnici pustila u produkciju. Na ovaj način je učinjen veliki korak ka omogućavanju interkonektivnosti Informacionog sistema UIO prema informacionim sistemima zemalja Evropske unije i drugih zemalja koje koriste pomenutu mrežnu infrastrukturu, kao i aplikacija i servisa koji se oslanjaju na CCN/CSI mrežu - prvenstveno NCTS-a. Istovremeno, započete su i aktivnosti koje se odnose na testiranje usklađenosti NCTS-a. Takođe, u izvještajnom periodu preduzete su mnogobrojne aktivnosti kako bi se postojeća verzija NCTS-a nadogradila na verziju 5.15. U saradnji sa izvođačem projekta, Sektor za informacione tehnologije je izvršio sve neophodne pripreme (nadogradnja postojeće IKT infrastrukture, nadogradnja i priprema postojećeg softvera u skladu sa promjenama legislative iz oblasti kancelarijskog poslovanja) kako bi se izvršila nadogradnja postojeće aplikacije DMS UIO (sistema za upravljanje dokumentima) kako u tehničkom, tako i u funkcionalnom pogledu, uz proširenje opsega upotrebe od strane svih organizacionih jedinica UIO kroz elektronsku evidenciju akata i predmeta, sa akcentom na pisarnicama u Glavnoj kancelariji i svim regionalnim centrima, a u cilju nastavka digitalizacije poslovnih procesa koje se odnose na skeniranje akata i dokumenata na pisarnicama Glavne kancelarije i regionalnih centara. U izvještajnom periodu, Sektor za informacione tehnologije je kontinuirano pružao podršku prilikom uvođenja elektronskog poslovanja u svim organizacionim jedinicama kod elektronske evidencije neupravnih i upravnih predmeta i akata. Zaposleni u Sektoru za informacione tehnologije su tokom izvještajnog perioda nastavili ranije započete aktivnosti na izradi novih i doradu postojećih programskih aplikacija a takođe, u saradnji sa predstavnicima drugih organizacionih jedinica UIO, aktivno su učestvovali u analizi novih zahtjeva kao i pripremi neophodnih specifikacija. Aplikacije koje su razvijane u

okviru Sektora za informacione tehnologije a tokom 2025. godine su u potpunosti završene, testirane i puštene u produkciju su: aplikacija za evidenciju arhivske građe pristigle u Centralni arhiv UIO (prema zahtjevu Sektora za poslovne usluge), aplikacija za elektronsku evidenciju robe koju dvovlasnici unose ili iznose preko granice (prema zahtjevu Sektora za carine), zatim je izvršena nadogradnja aplikacije RIDB (prema zahtjevima Odjeljenja za analizu i upravljanje rizicima), aplikacija za evidenciju PDV-SL2 obrazaca u skladu sa novom Instrukcijom o povratu PDV-a stranim državljanima čiji je početak primjene od 06.08.2025. godine, izvršena je nadogradnja aplikacije Ekonomat (prema zahtjevu Sektora za poslovne usluge), kreirana je i web aplikacija Ekran/Terminal za prikaz osnovnih informacija o carinskim deklaracijama na carinskim ispostavama. Uspješno je izvršena nadogradnja aplikacije/servisa za međunarodnu razmjenu podataka sa informacijama iz carinskog informacionog podsistema koji se odnose na tranzitne prijave u okviru projekta SEED. Službenici iz Sektora za informacione tehnologije su dali veliki doprinos i aktivni učinak u mnogobrojnim radnim grupama i timovima u kojima kontinuirano djeluju u okviru nadležnosti sektora. U okviru carinskog informacionog podsistema izvršeno je unapređenje postojećeg sistema za izvještavanje putem portala, kako bi se omogućili kvalitetniji, brži i pouzdaniji izvještaji za carinske organizacione jedinice na nivou regionalnih centara, carinskih ispostava, prelaza i referata. Carinski informacioni podsistem je ažuriran u skladu sa zahtjevima Sektora za carine kada su u pitanju konfiguracija i primjena novih poslovnih pravila za obračun dažbina (npr. sporazum FRONTEx, izmjene režima carinjenja za određene granične prelaze, te pripreme referentnih tabela za rad u 2026-toj godini). Službenici Sektora za IT su aktivno učestvovali u novom projektu nadogradnje carinskog informacionog podsistema za module ekspresnih pošiljki, digitalne platforme za e-trgovinu i ovlaštenog privrednog subjekta. U ovom periodu Sektor za informacione tehnologije je nastavio sa izdavanjem kvalifikovanih elektronskih potvrda poslovnoj zajednici kao Ovjerilac UIO. U toku 2025. godine zaposleni u Odsjeku uz elektronske potpise i sertifikate podigli su i testirali testnu platformu za udaljeni potpis. Uspješno su završili i drugu resertifikaciju infrastrukture javnih ključeva Uprave u osmom mjesecu 2025. godine, resertifikaciju je izvršio SIQ Ljubljana. Vršeno je kreiranje novih VPN pristupa i izdavanje kartica za službenike UIO za potrebe razmjene podataka i VPN pristupa informacionom sistemu UIO po zahtjevu eksternih korisnika. U skladu sa zahtjevima organizacionih jedinica UIO kao i vanjskih tražioca informacija, izrađivani su izvještaji iz informacionog sistema UIO, a prema predviđenoj dinamici izvještavanja. Takođe, u izvještajnom periodu vršene su redovne aktivnosti održavanja opreme, sistemskog i aplikativnog softvera, ažuriranja licenci, kao i administriranja korisničkih naloga i pružanja usluga internim i eksternim korisnicima IS UIO.

U oblasti investicijskog upravljanja provedene su aktivnosti u vezi izrade glavnog projekta za izgradnju GP Doljani kao preduslova za dobijanje građevinske dozvole; završena je rekonstrukcija GP Zupci-Sitnica, kao zajedničke lokacije BiH i Crne Gore. U vezi projekta za rekonstrukciju i izgradnju GP Klobuk-Ilino Brdo, kao zajedničke lokacije za kontrolne organe države BiH i Crne Gore provode se dalje aktivnosti za osiguranje neophodne tehničke dokumentacije. Za potrebe izgradnje graničnih prelaza za pogranični promet Vaganj-Bili Brig i Hadžin potok –Bogovolja izrađeni su geodetski elaborati. U cilju rekonstrukcije GP Brod ispostavljen je geodetski elaborat – geodetski snimak faktičkog stanja terena za potrebe rekonstrukcije, izrađen je projekat za potrebe uklanjanja postojećih objekata i u toku su dalje aktivnosti na obezbjeđivanju dozvola za uklanjanje objekta na postojećoj lokaciji radi obezbjeđivanja uslova za rekonstrukciju postojećeg graničnog prelaza. Izgradnja GP Osoje teče kontinuirano i do sada je ispostavljeno 20 privremenih situacija. Takođe, realizovani su ugovori za nabavku, transport i ugradnju uređaja za biološko prečišćavanje sanitarno-fekalnih voda za RC Mostar; za nabavku, isporuku i ugradnju kancelarijskih i sanitarnih kontejnera za granične prelaze i isporučeni su kancelarijski kontejneri na lokacije GP Hadžin Potok, GP Hum, GP Vitina, GP Pavlovića Most, GP Šepak i GP Vardište i sanitarni kontejneri na GP Strmica, GP Prolog i Orahovlje; zatim nabavka, isporuka i ugradnja kontrolne kabine i temelja vage na GP Gradiška; dostavljen je Elaborat o “procjeni stanja konstrukcije svih nadstrešnica i vanredni pregled čelične konstrukcije svih nadstrešnica na GP Gradina, Gradiška (Čatrnja), Izačić i Bratunac”, te nabavka, isporuka i ugradnja univerzalnog pocinčanog pletiva na postojećoj metalnoj konstrukciji GP Gradina. Potpisani su ugovori za adaptaciju i vršenje usluge nadzora na CR/GP Ustibar, CR/GP Ripač i CR/GP Izačić, izvođači i nadzorni organ uvedeni su u posao i u toku su aktivnosti na realizaciji ugovora. U proteklom periodu vođene su aktivnosti na izradi projektne dokumentacije novog graničnog prelaza na lokaciji Sremska Rača-Rača kao zajedničke lokacije R. Srbije i BiH čije aktivnosti koordinira Republička direkcija za imovinu Republike Srbije. U toku su aktivnosti na realizaciji projekata adaptacije na GP Izačić, Ripač i Ustibar. Takođe, pokrenut je postupak javne nabavke za nabavku i isporuku klima uređaja; zatim postupak javne nabavke za nabavku, isporuku i ugradnju univerzalnog pocinčanog pletiva na graničnom prelazu Izačić; postupak javne nabavke za sanaciju krova u sjedištu RC Tuzla, te postupak javne nabavke za zamjenu toplovodnih kotlova na CR/GP Šamac, CR/GP Gradina i CI Novi Grad. Obzirom da postoji potreba za nabavkom zaustavnih rampi na graničnim prelazima, pokrenut je postupak javne nabavke za nabavku i instaliranje 17 zaustavnih rampi na GP Strmica, Bijača, Crveni Grm, Rača, Orašje, Bratunac, Šepak i Karakaj.

Preduzimane su aktivnosti na rješavanju imovinsko – pravnih odnosa kao preduslov za realizaciju odluka Savjeta ministara BiH o odobravanju višegodišnjih sredstava za izgradnju objekata. Ove aktivnosti su provođene za potrebe rekonstrukcije GP Brod, za izgradnju malograničnih prelaza Zagrad-Pašin potok i Plazikur - Gejkovac, graničnog prelaza za pogranični promet Hadžin potok- Bogovolja; za izgradnju malograničnog prelaza Tržačka Raštela- Kordunski Ljeskovac; za pogranični prelaz Krstac-Krstac; zatim rješavanje imovinsko - pravnih odnosa na lokaciji GP Unka-Unka ; za malogranični prelaz Vir-Cera; na GP Osoje; na GP Crveni Grm; GP Kamensko. Takođe, dostavljen je prijedloga za nastavak započete procedure za sklapanje ugovora o pravu građenja i izgradnje objekta za smještaj zaposlenih UIO i Granične policije BiH na Aerodromu Banja Luka. U 2025. godini zaključena su 82 aneksa ugovora o zakupu poslovnog prostora i zemljišta (za potrebe smještaja zaposlenih u UIO, za potrebe graničnih prelaza, i dr.), te aneksi sporazuma o davanju na korištenje poslovnih prostora (inspeksijske službe i dr.).

Provedeni su postupci objave javnih oglasa za prikupljanje ponuda za carinske terminale za potrebe CI- Trebinje, Sokolac, Kiseljak, Brod; za davanje u zakup prostora u objektu Graničnog prelaza Donji Svilaj; za davanje u zakup prostora za vršenje ugostiteljskih usluga- kafe kuhinje u Regionalnom centru Mostar; za davanje u zakup prostora za instaliranje samouslužnih aparata za potrebe Glavne kancelarije UIO, RC Banja Luka, RC Tuzla, RC Sarajevo i RC Mostar i njihovih organizacionih jedinica i javni oglas za prikupljanje ponuda sporazumnog pribavljanja nekretnine (izgradnja malograničnih prelaza Plazikur-Gejkovac i Zagrad- Pašin Potok. U kontinuitetu su obavljani poslovi iz oblasti održavanja objekta koje koristi UIO, uređenje parking prostora i obezbjeđenja materijalnih sredstava za funkcionisanje. Obezbjeđena su bez dodatnih troškova četiri magacinska prostora za smještaj materijalnih sredstava, arhivske građe i službenih vozila UIO.

Na dan 31.12.2025. godine UIO i UO UIO su poslove iz svoje nadležnosti obavljale sa ukupno 2.361 izvršilaca, dok je odobrenim budžetskim sredstvima dozvoljen broj 2691 izvršilaca. Upravni odbor UIO je poslove iz svoje nadležnosti obavljao sa 9 izvršilaca, dok je 2.352 izvršioaca raspoređeno na radnim mjestima u Upravi. Od ukupnog broja zaposlenih 2.202 izvršioaca zaposleni su na neodređeno vrijeme, dok je 159 izvršilaca angažovano na osnovu ugovora o radu na određeno vrijeme. U izvještajnom periodu po osnovu okončanog javnog oglasa za prijem zaposlenih na neodređeno vrijeme, od 1.1.2025. godine zaposleno je 90 izvršilaca sa višom i srednjom stručnom spremom u Sektor za carine. Takođe, u saradnji sa Agencijom za državnu službu proveden je

javni oglas za prijem državnih službenika, po osnovu kojeg je 100 najuspješnijih kandidata izabrano i postavljeno na radna mjesta stručnih saradnika-carinskih inspektora i radna mjesta viših stručni saradnika-vođe smjena u okviru Sektora za carine, te je nakon provođenja ovih aktivnosti kadrovska situacija u ovoj najbrojnijoj osnovnoj organizacionoj jedinici bolja u odnosu na raniji period. Međutim, neophodno je nastaviti sa kontinuiranim praćenjem stanja ljudskih resursa i provođenjem konkursne procedure za prijem izvršilaca kako bi se poboljšala kadrovska strukture u UIO. U toku je provođenje konkursne procedure po javnom oglasu za popunjavanje radnih mjesta rukovodećih državnih službenika u UIO koji je Agencija za državnu službu na zahtjev Uprave objavila 13.06.2025. godine. U provođenju disciplinskih postupaka i utvrđivanja disciplinske odgovornosti zaposlenih u 2025. godine, okončana su 24 disciplinska postupka, od kojih je 20 za težu povredu službene dužnosti, a 4 disciplinska postupka za lakšu povredu službene dužnosti. U toku je 21 disciplinski postupak po kojima nije donesena konačna odluka, a 17 disciplinskih prijava je u fazi obrade, odnosno utvrđivanja osnovane sumnje za postojanje teže povrede službene dužnosti i prikupljanja dokaza. Na dan 31.12.2025. godine, Uprava je imala 18 suspendovanih izvršilaca, od čega je 8 izvršilaca suspendovano tokom izvještajnog perioda, a ostali su suspendovani u ranijem periodu.

U oblasti obuka pored aktivnosti pripreme i organizovanja obuka za zaposlene u UIO, značajne aktivnosti su usmjerene i na organizovanju polaganja stručnog ispita iz oblasti indirektnih poreza. Donesen je Pravilnik o izmjenama i dopunama Pravilnika o polaganju stručnog ispita za rad na poslovima indirektnih poreza zaposlenih u Upravi za indirektno oporezivanje („Službeni glasnik BiH“ broj 15/25), te provedeno polaganje opšteg dijela stručnog ispita za rad na poslovima indirektnih poreza za 200 zaposlenih (prvo polaganje, popravni/ponovni ispit, kao i zaposlene van osnovne djelatnosti koji su podnijeli zahtjev za polaganje). U izvještajnom periodu održano je 28 internih obuka koje su pohađala 2.342 polaznika, jedna interna/eksterna obuka koju je pohađalo tri polaznika i 259 eksternih obuka koje je pohađalo 1.152 polaznika, pri čemu je ukupan broj polaznika svih obuka 3.497. U istom periodu upućeno je 188 zahtjeva direktoru UIO za pribavljanje saglasnosti za pohađanje obuke van UIO, te po ovlaštenju direktora data saglasnost na 219 zahtjeva za pohađanje obuke online.

U izvještajnom periodu je zaprimljeno 693 zahtjeva za nabavku upućenih od strane osnovnih organizacionih jedinica od kojih je realizovano 636. Sa ugovorenim dobavljačima za štampanje i isporuku EUR i CT obrazaca, kao i sa ostalim osnovnim organizacionim jedinicama, usaglašen je kvartalni način naručivanja i isporuke.

Takođe, u potpunosti je puštena u rad aplikacija EKONOMAT za praćenje i realizaciju ugovora, te se ista kontinuirano koristi, sa tendencijom nadogradnje i usaglašavanja, a u cilju konačne upotrebne i efikasne implementacije.

U kontinuitetu su provedene aktivnosti postupanja sa privremeno oduzetom robom, odnosno robom koja je oduzeta konačnom odlukom i u izvještajnom periodu održano je 13 javnih aukcija i 16 direktnih prodaja od kojih 6 po hitnom postupku. U *Tabeli 15.* iskazana je vrijednost privremeno oduzete robe, prodate, uništene i vraćene robe.

**Tabela 15. Provedene aktivnosti za oduzetu robu**

Red. Broj	Vrijednost privremeno oduzete robe izražene u KM	Vrijednost prodate oduzete robe izražena u KM	Vrijednost uništene oduzete robe izražena u KM	Vrijednost vraćene robe izražene u KM
1.	4.751.317,50	317.383,72	873.890,52	263.798,29

U oblasti javnih nabavki u 2025. godini okončani su postupci nabavke (ukupno 134) koji su objavljeni na Portalu javnih nabavki i od kojih je dio započet u 2024. godini a okončan do kraja 2025. godine, kao i postupke koji su započeti i okončani u 2025. godini (Tabela 16). U Privremenom planu javnih nabavki UIO za period privremenog finansiranja za 2025. godinu i Planu javnih nabavki za 2025. godinu (nakon usvajanja Budžeta za 2025. godinu) planirano je provođenje 225 postupaka, od kojih je do dana sačinjavanja izvještaja realizovano 158 postupaka (što procentualno iznosi 70,22 % od planiranog), dok 67 postupaka nije realizovano (odustalo se od nabavke, postupak poništen ili je postupak u toku). Ukupan broj pristiglih žalbi u postupcima javnih nabavki u izvještajnom periodu je 15, od toga su sačinjeno 9 izjašnjenja upućena Kancelariji za razmatranje žalbi, te 2 Rješenja o osnovanosti ili djelimičnoj osnovanosti podnesenih žalbi i 4 Zaključak o odbacivanju žalbe.

**Tabela 16. Tabelarni prikaz aktivnosti za javne nabavke**

Red. Broj	Otvoreni postupci	Direktni sporazumi	Konkurentski zahtjevi	Pregovarački postupci	Aneks II	Ukupno
1.	16	98	11	4	5	134

U UIO je implementirano elektronsko upravljanje dokumentima i prema podacima generisanim iz aplikacije DMS u 2025. godini protokolirano je 62.037 akata od čega je u djelovodniku koji se vodi i elektronski i ručno evidentirano 17.729 akata, u popisima akata 44.308 akata, i putem internih dostavnih

knjiga proslijeđeno je 390.685 protokolisanih akata osnovnim organizacionim jedinicama UIO na nadležno postupanje. Ukupan broj akata otpremljenih putem poštanske službe je 47.687 akata, odnosno ukupno otpremljenih pošiljki (pisama i paketa), zaključno sa danom 31.12.2025. godine je 22.131 pošiljki.

U oblasti materijalno-finansijskih poslova (knjigovodstveno evidentiranje i finansijske transakcije), obračuna plata i naknada troškova zaposlenih i spoljnih saradnika UIO i Upravnog odbora UIO, te blagajničkog poslovanja kontinuirano se provode aktivnosti. Ažurirane su knjigovodstvene evidencije o obavezama, potraživanjima, stalnim sredstvima, materijalu i sitnom inventaru, te okončane aktivnosti na godišnjem popisu sredstava, obaveza i potraživanja na dan 31.12.2024. godine, a izvršene su i pripreme za popis 2025. godine. Sačinjeni su kvartalni i polugodišnji izvještaji o izvršenju budžeta UIO za 2025. godinu, te su, shodno Instrukciji za budžetske korisnike broj 1 izrađene tabele prioriteta za period 2026-2028. godine, kao i prijedlog budžeta za 2026. godinu, Instrukcija br. 2. Provedene su potrebne aktivnosti i obezbijeđena dokumentacija i komunikacija sa Kancelarijom za reviziju institucija BiH, a u okviru vršenja završne revizije poslovanja Uprave za 2024. godinu, te prethodne revizije za 2025. godinu.

Raspoloživa sredstva za finansiranje rashoda UIO za period januar-decembar 2025. godine iznosila su 258.389.671,18 KM, od čega se iznos od:

- 127.940.000 KM odnosi na sredstva za finansiranje tekućih izdataka u skladu sa instrukcijama Ministarstva finansija i trezora BiH o privremenom finansiranju institucija BiH<sup>1</sup>
- 130.388.639,26 KM odnosi na nerealizovana sredstva za višegodišnja kapitalna ulaganja i namjenska sredstva iz 2024. godine prenesena u 2025. godinu i
- 61.031,92 KM odnosi se na sredstva dodijeljena BiH od strane Evropske komisije kojim se finansiraju programi Fiscalis i Customs.

<sup>1</sup> Instrukcija o privremenom finansiranju institucija BiH za period januar-mart broj: 05-16-2-7582-1/24 od 17.12.2024. godine, Instrukcija o privremenom finansiranju institucija BiH za period april-jun broj: 05-02-2-2225-1/25 od 24.03.2025. godine, Instrukcija o privremenom finansiranju institucija BiH za period juli-septembar broj: 05-02-2-4036-1/25 od 20.06.2025. godine i Instrukcija o privremenom finansiranju institucija BiH za period oktobar-decembar broj: 05-02-2-5606-1/25 od 24.09.2025. godine.

Nakon usvajanja Zakona o Budžetu institucija Bosne i Hercegovine i međunarodnih obaveza Bosne i Hercegovine za 2025. godinu, raspoloživa sredstva za finansiranje rashoda UIO za 2025. godinu iznosila su 296.527.811,35 KM, od čega se iznos od:

- 161.992.000 KM odnosi na budžetska sredstva u skladu sa Zakonom o Budžetu za 2025. godinu (od čega je 60.000 KM planirano od prihoda ostvarenog prodajom stalnih sredstava)<sup>2</sup>,
- 175.863,20 KM prihod od prodaje službenih vozila,
- 3.910.276,97 KM jednokratna pomoć zaposlenim (Odluka Vijeća ministara BiH broj 162/25)
- 130.388.639,26 KM odnosi na nerealizovana sredstva za višegodišnja kapitalna ulaganja i namjenska sredstva iz 2024. godine prenesena u 2025. godinu i
- 61.031,92 KM odnosi se na sredstva dodijeljena BiH od strane Evropske komisije kojim se finansiraju programi Fiscalis i Customs.

---

<sup>2</sup> Zakon o budžetu institucija Bosne i Hercegovine i međunarodnih obaveza Bosne i Hercegovine za 2025. godinu („Službeni glasnik BiH“ broj 70/25)

## 7. PROBLEMI U RADU ORGANIZACIONIH JEDINICA UIO

Za organizovanje rada i odvijanje poslovnih procesa UIO neophodno je obezbijediti uslove za nesmetano funkcionisanje. Međutim, UIO se u svom radu susreće sa nizom problema čije rješavanje ne zavisi isključivo od rada ove Uprave, već od postupanja drugih nadležnih organa u BiH. S obzirom na okolnosti u kojima se odvijaju poslovni procesi UIO identifikovani su problemi koji predstavljaju prijetnju za ostvarivanje planiranih aktivnosti i odvijanje redovnih poslovnih procesa UIO, koji se odnose na sledeće:

### *Kadrovska struktura*

U UIO je i dalje prisutan problem nedostatka dovoljnog broja izvršilaca za redovno odvijanje poslovnih procesa UIO, koji problem je izražen u svim osnovnim organizacionim jedinicama UIO. Obim poslova iz djelokruga rada UIO se iz godine u godinu povećava i prevazilazi mogućnosti organizovanja rada sa raspoloživim brojem izvršilaca, a stanje se dodatno usložnjava s obzirom na starosnu strukturu zaposlenih i ispunjavanja uslova za penzionisanje kod znatnog broja izvršilaca (u prosjeku 100 izvršilaca godišnje). Rješavanje problema obezbjeđivanja dovoljnog broja izvršilaca dodatno usložnjava komplikovan i dugotrajan proces provođenja konkursnih procedura za zapošljavanje. U ovakvim okolnostima, pored svih napora i aktivnosti koji se provode na poboljšanju kadrovske strukture, vrlo je teško organizovati nesmetano funkcionisanje UIO, posebno ako se ima u vidu činjenica da se radi o poslovima čije izvršavanje ne trpi odlaganje. Da bi se održao proces rada u pojedinim segmentima djelovanja UIO, pribjegava se i internom premještanju raspoloživog broja zaposlenih sa jednog na drugo radno mjesto, što s druge strane dovodi do preopterećenosti poslom izvršilaca u pojedinim organizacionim jedinicama i predstavlja rizik za kvalitetno izvršavanje radnih zadataka i kvalitet funkcionisanje UIO.

### *Neusvajanje budžeta*

Neblagovremeno usvajanje budžeta (Zakon o budžetu institucija Bosne i Hercegovine i međunarodnih obaveza Bosne i Hercegovine za 2025. godinu („Službeni glasnik BiH“ broj 70/25, usvojen u novembru 2025. godine) i obezbjeđivanje finansijskih sredstava za funkcionisanje UIO usporava realizaciju planiranih aktivnosti, posebno onemogućava realizaciju planiranih projekata javnih investicija i realizaciju postupaka javnih nabavki u kratkom vremenskom periodu nakon usvajanja budžeta za tekuću godinu, te je u ovakvim okolnostima vrlo teško organizovati rad UIO.

### ***Smještajni kapaciteti***

I dalje je neriješeno pitanje adekvatnog kancelarijskog prostora za smještaj zaposlenih u Glavnoj kancelariji UIO i Regionalnom centru Banja Luka što dodatno otežava funkcionisanje organizacionih jedinica UIO, s obzirom da je raspoloživi kancelarijski prostor koji koriste Glavna kancelarija UIO i Regionalni centar Banja Luka nedovoljan za smještaj postojećeg broja zaposlenih i zahtijeva korištenje kancelarijskog prostora na više lokacija u Banja Luci, što dodatno usložnjava organizovanje rada za nesmetano funkcionisanje. Takođe su loši uslovi rada na carinskim lokacijama, posebno na pojedinim graničnim prelazima prisutan je nedostatak adekvatne infrastrukture, agregata za struju, te postoji kontinuirana potreba za izgradnjom, odnosno rekonstrukcijom na pojedinim lokacijama.

### ***Tehnička opremljenost***

Nedostatak dovoljnih finansijskih sredstava za modernizaciju UIO onemogućava realizaciju potreba na unapređenju i automatizaciji određenih poslovnih procesa UIO (dalji razvoj i unapređenje aplikacije e-porezi i drugih komponenti poreskog informacionog podsistema, kreiranje jednoobrazne i cjelovite baze podataka poreskih obveznika sa što više informacija (eksternih i internih) koje bi se mogle koristiti u kontrolama; elektronsko objedinjavanje svih evidencija na graničnim prelazima razvojem aplikacije „ExDisc 2011“; obezbijediti u carinskim referatima vođenje evidencija i kontrolnika u elektronskom obliku, kao što su evidencija o privremenom uvozu i izvozu ambalaže i paleta, vođenje garancija, evidencija zahtjeva za privremeni uvoz, izvoz i tranzit sportskog i lovačkog oružja i municije, evidencija popisa robe za privremeni izvoz/uvoz uz usmenu prijavu, evidencija posebnih slučajeva u kojima se ne podnosi carinska prijava za postupak provoza; automatizacija u oblasti praćenja stanja ljudskih resursa, kao i za odvijanje i praćenje provođenja obuka i dr).

### ***Sporost donošenja propisa***

Evidentan je dugotrajan proces izmjene propisa, nakon što se identifikuju potrebe za izmjenom dijela ili cijelog propisa, što znatno otežava rad Uprave. Osim toga, neusklađenost entitetskih propisa u određenim oblastima stvara problem za ujednačeno postupanje UIO na cijeloj teritoriji BiH, kao što je problem neujednačenog normativnog uređenja uvoza opasnih hemikalija, s obzirom da su u entitetima različiti propisi koji različito tretiraju ovu materiju, kao i problem unosa prekršaja u Registar novčanih kazni koji su izdati za devizni prekršaj prema entitetskim zakonima o deviznom poslovanju. Takođe, izostanak kategorizacije objekata koje koristi UIO, onemogućili su provođenje obuke iz protivpožarne zaštite, a koja obuka se treba održavati u kontinuitetu za svakog zaposlenog u UIO.

*Prilog: Tabela pregled naplate prihoda u periodu 01.01 - 31.12.2025. godine*

PREGLED NAPLAĆENIH BRUTO PRIHODA PO VRSTAMA U PERIODU 01.01.- 31.12.2024./2025. GODINE

Vrsta prihoda	Naziv prihoda	01.01 - 31.12.2024.	01.01 - 31.12.2025.	Indeks (4/3)	% učeš. u uk. napl. prih.
1	2	3	4	5	6
<b>1</b>	<b>Porez na dodanu vrijednost</b>	<b>8.286.495.049,53</b>	<b>8.771.628.547,90</b>	<b>105,85</b>	<b>72,03</b>
717111	PDV na uvoze	5.041.353.525,06	5.296.484.259,51	105,06	
717211	PDV obaveza prema PDV prijavama *	3.198.749.947,50	3.442.491.283,20	107,62	
717213	PDV prema automatskom razrezu od strane UIO	142.028,07	185.718,14	-	
717214	PDV - jednokratne uplate	12.963.407,04	5.857.446,36	-	
717311	PDV - zatezna kamata	23.610.019,49	16.448.672,16	-	
717312	Kazne za prekršaje shodno odredbama Zakona o PDV-u	4.124.795,50	4.015.890,43	97,36	
717314	Naknadni teret prinude po PDV obavezama	5.551.326,87	6.145.278,10	110,70	
<b>2</b>	<b>Carinske dažbine, naknade za carinsko evidentiranje i posebne dažbine</b>	<b>594.494.433,40</b>	<b>634.416.105,69</b>	<b>106,72</b>	<b>5,21</b>
716111	Carina od pravnih osoba	543.003.188,77	574.434.303,71	105,79	
716112	Carine od građana	38.820.631,19	42.750.920,61	110,12	
716113	Carinsko evidentiranje	101,19	105,94	-	
716114	Carina po jedinici mjere	12.670.512,25	17.230.775,43	135,99	
716115	Posebna taksa na izvezenu robu	0,00	0,00	-	
<b>3</b>	<b>Akciza na uvozne proizvode</b>	<b>1.831.260.059,03</b>	<b>1.891.715.050,36</b>	<b>103,30</b>	<b>15,53</b>
715421	Akciza na naftu i naftne derivate	570.136.126,06	277.178.198,12	104,40	
715422	Akciza na duvanske prerađevine	1.136.876.535,61	559.752.390,08	102,92	
715423	Akciza na alkohol i alkoholna pića	32.092.876,07	14.156.428,83	105,90	
715424	Akciza na bezalkoholna pića	15.451.669,94	7.623.302,38	103,24	
715425	Akciza na pivo	42.036.165,66	18.709.386,06	100,04	
715426	Akciza na kafu	32.428.795,45	15.124.193,91	98,84	
715428	Zatezna kamata za akcize na uvozne proizvode	3.038,42	461,36	-	
715429	Akciza na vino	2.212.363,67	1.021.360,61	105,78	
715430	Akciza na biogoriva i biotečnosti	22.488,15	10.488,30	-	
<b>4</b>	<b>Akciza na domaće proizvode</b>	<b>36.713.583,51</b>	<b>41.069.967,44</b>	<b>111,87</b>	<b>0,34</b>
715410	Akciza na domaće biogorivo i biotečnosti	54,86	0,00	-	
715411	Akciza na domaću naftu i naftne derivate	0,00	15,56	-	
715412	Akciza na domaći duvan i duvanske prerađevine	4.039.893,81	4.573.827,72	-	
715413	Akciza na domaći alkohol i alkoholna pića	3.263.164,93	3.579.710,66	109,70	
715414	Akciza na domaća bezalkoholna pića	19.445.782,77	18.782.240,32	96,59	
715416	Akciza na domaće pivo	8.439.520,86	13.715.721,22	-	
715417	Zatezna kamata za akcize na domaće proizvode	991.841,95	6.301,20	-	
715418	Akciza na domaće vino	454.618,13	376.653,25	82,85	
715419	Naknadni teret prinude po akciznim obavezama	78.706,20	35.497,51	-	
<b>5</b>	<b>Putarina</b>	<b>733.037.082,34</b>	<b>763.939.182,23</b>	<b>104,22</b>	<b>6,27</b>
722533	Putarina za izgradnju puteva iz cijene uvozne nafte i naftnih derivata (0,15 KM)	274.859.693,05	286.471.952,56	104,22	
722534	Putarina za izgradnju puteva iz cijene domaće nafte i naftnih derivata (0,15 KM)	14.993,10	0,00	-	
722537	Putarina za izgradnju puteva iz cijene uvoznih biogoriva i biotečnosti (0,15 KM)	11.244,07	5.277,83	-	

722538	Putarina za izgradnju puteva iz cijene domaćih biogoriva i biotečnosti (0,15 KM)	0,00	0,00	-	
722541	Zatezna kamata na putarinu za puteve (0,15 KM)	2.160,02	60,95	-	
722535	Putarina za izgradnju autoputeva i izgradnju i rekonstrukciju drugih puteva iz cijene uvozne nafte i naftnih derivata (0,25 KM)	458.099.488,42	477.452.987,60	104,22	
722536	Putarina za izgradnju autoputeva i izgradnju i rekonstrukciju drugih puteva iz cijene domaće nafte i naftnih derivata (0,25 KM)	24.988,51	0,01	-	
722539	Putarina za izgradnju autoputeva i izgradnju i rekonstrukciju drugih puteva iz cijene uvoznih biogoriva i biotečnosti (0,25 KM)	18.740,12	8.796,38	-	
722540	Putarina za izgradnju autoputeva i izgradnju i rekonstrukciju drugih puteva iz cijene domaćih biogoriva i biotečnosti (0,25 KM)	0,00	0,00	-	
722542	Zatezna kamata na putarinu za izgradnju autocesta i izgradnju i rekonstrukciju drugih puteva (0,25 KM)	5.775,05	106,90	-	
<b>6</b>	<b>Ostali prihodi i naknade</b>	<b>26.694.433,80</b>	<b>25.731.865,89</b>	<b>96,39</b>	<b>0,21</b>
716116	Ležarina	0,00	0,00	-	
716121	Novčane kazne za carinske prekršaje za pravna lica	219.520,00	185.065,14	84,30	
716122	Novčane kazne za carinske prekršaje za fizička lica	318.140,22	342.831,36	107,76	
716123	Vanredni prihodi	0,73	172.627,71	-	
716124	Zatezna kamata za carinske dažbine, ostale prihode i naknade	3.182,41	383,23	-	
716125	Carinske takse u gotovom novcu od pravnih lica i građana	0,00	0,00	-	
716126	Prihodi od naplate protuvrijednosti robe koja u prekršajnom postupku nije mogla biti oduzeta	23.642,04	5.876,89	-	
716128	Prihodi od carinske pratnje, izlaska carinika izvan mjesta rada i radnog vremena	426.837,10	315.634,87	-	
716129	Prihodi od prodaje robe koja je predata Upravi ili oduzeta u carinskom prekršajnom postupku	487.634,96	446.418,66	-	
716131	Prihodi od terminala	22.287.938,63	22.438.330,83	100,67	
716132	Prihodi od zakupnina	632.363,89	660.656,77	104,47	
716133	Prihodi od skladištenja	0,00	0,00	-	
716134	Prihodi od prodaje CT-DT obrazaca	0,00	0,00	-	
716136	Naknadni teret prinude za carinske dažbine, ostale prihode i takse	113.251,62	108.615,01	-	
716137	Zatezna kamata za carinske dažbine, ostale prihode i takse	515.317,49	829.601,28	-	
716138	Kazne za prekršaje shodno odredbama Zakona o akcizama	104.287,49	106.969,50	102,57	
716139	Ostali prihodi	69.332,82	26.274,64	-	
716140	Prihodi od izdavanja SMART CARD paketa	1.492.984,40	92.580,00	-	
<b>I (1 do 6)</b>	<b>UKUPNO</b>	<b>11.508.694.641,61</b>	<b>12.128.500.719,51</b>	<b>105,39</b>	
<b>II</b>	<b>Neusklađeni prihodi - ukupno</b>	<b>32.578.060,27</b>	<b>48.668.368,23</b>	<b>-</b>	<b>0,40</b>
<b>III (I+II)</b>	<b>UKUPNO</b>	<b>11.541.272.701,88</b>	<b>12.177.169.087,74</b>	<b>105,51</b>	<b>100,00</b>

## SADRŽAJ

<b>1. NAPLATA PRIHODA</b> .....	4
<b>2. RASPODJELA PRIHODA</b> .....	6
2.1. Putarina za izgradnju autoputeva i izgradnju i rekonstrukciju drugih puteva u Bosni i Hercegovini (0,25 KM) .....	7
2.2. Prinudna naplata sredstava prikupljenih na Jedinstveni račun po rješenju o izvršenju Suda BiH broj: S1 3 I 019671 16 I 2 od 28.09.2016. godine .....	9
<b>3. POVRAT INDIREKTNIH POREZA</b> .....	11
<b>4. PRINUDNA NAPLATA</b> .....	12
<b>5. KONTROLNE AKTIVNOSTI</b> .....	14
5.1. Analiza rizika .....	14
5.2. Carinska kontrola .....	18
5.3. Poreska kontrola .....	19
5.3.1. Revizija i kontrola .....	20
5.3.2. Kontrola velikih poreskih obveznika .....	22
5.4. Suzbijanje krivičnih djela i prekršaja .....	24
<b>6. OSTALE AKTIVNOSTI REALIZOVANE U IZVJEŠTAJNOM PERIODU</b> .....	29
<b>7. PROBLEMI U RADU ORGANIZACIONIH JEDINICA UIO</b> .....	49